


類案

第
 中風 傷風 中寒 傷寒 大頭天行病 解休
 虛風 迴風 中熱 瘧疫

特別
 19
 517
 1



517
1



名醫類案序

人者天地之委和而卯氣變于
 上百為交于下自王公大人以
 及士庶異事不同而異不能參
 和乎偏以使元氣無疵癘者蓋
 雜然而異端無窮故異致病之
 端亦無窮也軒岐鑿經範以開



人倉扁極神互以起歷至人代
有徵驗多門柰僻壤每以宗傳
末學憚于博歷寄人死生屬之
庸術孕是悲焉吾友篁南江民
瑩氏始為博士弟子悲觀塲屋
己而因病治醫以果志在求仁
執循平器遂乃博習方書探略

玄奧治身之餘推及朋舊危標
異症還瘥保生篁南子偉然為
名醫焉乃取古人所為治病驗
方及果病之狀天時水土之宜
用藥之宜忌靈劑之審諦病瘥
之期咸撮果要旨門分類摘疏
源究因決嫌疑定可否凡若干

類聚

二

レ

卷命之由名醫類案乎得而讀之
蓋喟然嘆曰仁哉董南子之
用心乎夫闚觀非智諛聞非學
况醫之為道與仁同功仁體物
而不遺則醫之為術亦遍物而
無所遺也故學以聚之不厭博
歷乃果操之之要則予嘗聞言

于董南子矣識穿者無高標必
庸者無奇術要在融悟吝機專
精化理以斟酌元氣為功以察
識病原為大則是編也思過半
矣故曰苟非異人道不虛行
嘉靖壬子冬十一月朔日前進
士徵仕郎南京禮科給事中讓

溪山人游震得撰

詹濂書

類抄序

三

名醫類案序

篁南江先生吾邑隱君子也少治儒
因病棄去治醫遂以岐黃鳴邑中先生
嫻詩辭博極載籍凡古禁方足紀者彙以為
編嘗感危疾幾殆諸醫環視謂不治先生徐
語曰吾所集其卷某方與吾證合試案之
稍加損益一飲有起色再飲霍然已

頁安序

レ

ノ

其驗如此，願祕之帳中，未出也。先生物仲
子少微世其業，每睹遺編，涕泣曰：此先人
手澤，而未竟之志也。予小子何敢讓焉。乃
益加披撫，若先生暨已所試，奇効者必附
之總，如千卷，將授之剞劂，而以示余客。有
在座者曰：喜用藥，如用兵，霍冠軍有言矣。
顧方畧何如？不至學古兵法醫者，意也。笑。

多言便語 輕薄

喋佔啜古糟粕，為余應之曰：不然。子豈
以世之治醫者必能挾無師之智，逞獨創之
巧，自我作始，前無古人乎？夫法所以寄意
而意所以運法，醫之有陰陽，虛實標本，順
逆猶兵之有步兵，伐止齋，壽正攻守也。達者
變通而底績，昧者拘曲而罔功。是昧者之
過而法之過邪？且霍冠軍之將兵，孰與

淮陰侯被其有天幸未嘗困絕徒奪言面
漫耳淮陰侯戰勝攻取制敵如神而其所以
稱引猶云此自兵法諸君不察也以淮陰侯
之所弗能廢者奈何藉口冠軍而廢之
辟見膠柱不可以鼓瑟而遂謂鼓瑟
皆可以去柱豈不謬哉無論淮陰侯即
秦越人太倉意固醫之指南嚆矢也乃

其師長桑君公棄慶太弟舉禁方
相授受無他奇而太史公媿艷譚之
至与王侯將相之業益施于後世其旨
深矣語云人之所病疾多醫之所病
道少是編也可以擴聰明可以備故實可
以章法而招集鈞奇提要存乎其人而
何可以糟粕視也抑問之其父析薪

其子不克負荷越人以術見劉其方不傳
度無子授意無子董託之史記以傳
益負所荷斯之難也少微工詩有父
風遨遊兩都公卿問率折節倒屣不
獨以醫在拮据廿餘年卒能紹前志而
光大之先生有子矣嗟龍門令續成
父史無愧其衷馬服子徒讀父書竟

際堂構余嘉少微庶幾龍門公而異於
馬服子也故不辭為之叙
賜進士出身嘉議大夫太常寺卿管
國子監事前右春坊右諭德兼翰林院
侍講南京國子祭酒同邑張一桂雜書
甫書



名醫類按跋

先君子清濟力學不深於時抱
 病攻醫數起人危疾未嘗以醫
 名家藏禁方及緒子列傳無慮
 百數十種披閱適窺手錄以備
 遺忘法二十年所遂成是書
 門析類為卷十二為條二百為一

奇草創未就遂尔其背者不
肖整亂多病劫庭問難頗
旨弱冠奉方伯林文之道南
游吳越齊楚燕趙間博採
奇駭之跡載還山中懼先集
穉久而散逸因取遺稿編次
遺亦越歲十九凡五易抄更

伯光參互考訂勒成全書傳之
通都下邑得肄業之士如遇
陽顯晦未易辯之證水火微
疑似之難明者試觀前人已
之成法准古酌今一證一方
按一編胎合相字其名如響
爭鬪貴權術歷之用兵孫武

兵無出虛實兵識虛實則無不
獲矣或者不師古人亦自為法
唯司馬穰苴能之者乃之善者也
抑或孳孳學古能中律度如趙
括徒能讀父書不知合變卒敗
於敗耳是則存其人焉爾矣醫
何以異此先君子以縫掖彌作

者托於醫以隱孤不敏弗克繼
志姑述手澤之遺問附見聞以
廣其傳雖於時未又有濟然承
先君子及物之仁則亦不敢忘
也謹志

告

萬曆辛卯閏三月朔旦之吉

男江應宿百拜撰述

[Faint bleed-through text from the reverse side of the page]

自序

予讀褚氏遺書有曰博涉知
病多診識脈屢用逢藥者撫
卷以為名以山居僻處博麻心
何由於是廣輯古今名貴治法
奇驗之過類摘門外世採人列
為書曰名醫類案是也褚氏博

歷之意也。自文三墳陞而九丘
溼方書繁，而經編廢。或指素
難以饒人，鮮不以爲迂者。商之
術日益濫，錫通經與子古世不
多見。昔鄭公孫僑，能於晉適
晉侯，有疾卜云：「實沈重胎，
爲祟。」史莫之知，乃問於僑。

具述高辛玄冥之喪，參法
立封之故，四時節節宜之道。通
國驚矣，以僑爲博物。君子太
史公作史記，傳淳于意，備書
其治病死生主名病狀，論傳
方脈，詳悉弗遺。蓋將以折同
矣。極變化，求合神聖之道。以

立權文於萬世軒岐俞扁之
書匪直為虛詠已也今予取
編雖未敢僭擬先指然宜明
往所執昭示來與子既不詭於
聖經復易通乎時俗指述
廣見或庶幾焉耳與子世歷
之由規矩以求班固毅以求翠

引而伸之溯流窮源推考其
要將示之豫用各書凡十
卷為門一百一十為書間附
說於其下云
嘉靖己酉莫秋既望
萬曆辛卯閏三月朔日丙寅
男應百拜謹書

Faint bleed-through text from the reverse side of the page, including characters like '名醫' and '類案'.

名醫類案序

篁南江叟故為諸生有聲年會多
病去而為醫其子南仲世其業
並以醫名邑中余雅重叟質行
長者又博物好古著述吟詠以
有別集不論其所輯名醫類案
云カ余家居嫂氏病瘡且久丙寅

數醫_ラ不_ラ治_セ叟_ヲ治_ス之_ヲ投_テ七_ヲ而愈_ユ及_テ余_ヲ
游_ニ京_ニ師_ニ孝_ニ父_ノ病_ム痢_ヲ且_ニ不_ラ食_セ更_ニ
數_ヲ留_メ不_ラ治_セ南_ニ仲_ニ治_ス之_ヲ亦_ニ投_テ七_ヲ而愈_ユ
余_ヲ以_テ此_ヲ異_ム史_カ父_子高_ク其_ノ技_ヲ屬_ス以_テ餘_ヲ
生_ニ且_ニ三_ニ十_ニ年_ハ以_テ矣_ハ叟_嘗謂_テ余_ヲ博_士
家_ヲ通_ス經_乃不_ラ廢_ス史_乎余_曰孔_子不_レ
云_乎吾_欲載_之空_言不_レ如_見法_行

事_之深_切著_明也_故經_中有_史
春秋_是已_夫經_義也_史事_也其_義
則_斷其_事則_案斷_非經_何準_案
非_史何_據叟_曰然_權讀_素雜_諸
書_得其_義尊_之為_經讀_倉公_カ
傳_得其_事信_之為_史斯_亦國_家
之_斷案_也非_耶然_傳所_得倉_之事

耳繼倉公而後雜出於記載者
其世多近其事愈信彼幸子百
之什一夫孰死事案也獨可廢乎
或於是退而蒐輯上自諸子列傳
下及釋官私譜七刻之暇兼採附
說凡察脈證形觀變易方綱羅
織悉類分而代列爲頁之素雜法

徑注不悖所聞書且成而叟卒余
謂叟子南仲盡成先志乎乃以活
人多矣其脈證方劑具在得併
次之南仲泣然流涕曰先人棄諸
孤蚤孤弱無知散失強半不能哀
先世之遺其幸而存者亦千百之
什一耳應宿問承提命守其餘

業稍竊其遺意以試於里巷頗
有獲者恐久而與先人俱亡欲附入
一二嫌於自多余曰否昔營平叙
田功不嫌伐一時事以爲後法况
茲秘載藏諸名山以俟知者又何嫌
焉南仲曰敬諾於是書竟成南仲
治余季父事六載其中而嫂氏以

叟存時偶忘之不及載

萬曆丙戌秋七月

武英殿大學士太子少保禮部
尚書邑人潁陽生許國撰



凡例
一是集乃披閱諸子百家之文中有案會心者輒手錄以備遺忘積久成表乃分門析類耳
一前修時賢之案則係之曰某人示無掩也有按無人者則曰出其書示有據也
一某人案惟先達著名者則書其字號或官如朱子注書例凡先達稱官稱爵稱字號之類案可採而聲未著者直書其名欲人易曉也
一時賢案惟變法稍出奇者採之諸庸常者不錄
一案下附說或採前修之言或附管見與賢者共議耳非敢自以為是也

凡例

一集乃披閱諸子百家之文中有案會心者輒手錄以備遺忘積久成表乃分門析類耳
一前修時賢之案則係之曰某人示無掩也有按無人者則曰出其書示有據也
一某人案惟先達著名者則書其字號或官如朱子注書例凡先達稱官稱爵稱字號之類案可採而聲未著者直書其名欲人易曉也
一時賢案惟變法稍出奇者採之諸庸常者不錄
一案下附說或採前修之言或附管見與賢者共議耳非敢自以為是也

- 一案中方法用古方加減者但載方名其方稍隱者註云出某書間有品味簡者直載其方其藥分兩製度或有或無或詳或略皆仍諸書之舊也
- 一愚治驗諸案亦附諸條之末一得之愚弗敢隱秘後來者或有可裨擇焉
- 一案以世次為先後非有所頡頏也間有後先失次者無可考者也
- 一諸門後各自分枝不相連屬庶後可續編入不亂其成書也

述補

- 一先君子以文名世而自驗諸案簡直不文非不欲文通乎時俗耳
- 一不肖續編間附已案一遵凡例苟意見庸劣及徒有空文而無方法脉案可示後者不書倣春秋常事不書之旨

引用諸書

- | | | |
|------|------|-------|
| 素問 | 難經 | 千金方 |
| 傷寒論 | 本草 | 金匱要略 |
| 本草衍義 | 醫壘元戎 | 證治要訣 |
| 養生主論 | 名醫錄 | 醫餘 |
| 醫說 | 續醫說 | 救三死方 |
| 信効方 | 良方 | 本事方 |
| 名醫方 | 養生方 | 百一選方 |
| 濟生方 | 聖惠方 | 衛生十全方 |
| 心法附餘 | 醫鏡 | 脉經 |
| 巢氏病源 | 史記 | 國策 |

此處為書中正文，因字跡模糊，內容難以辨認。可見文字多為行書或草書，且多有重影或模糊不清之處。

國史補	漢書	梁書
晉書	南唐書	魏志
三國志	宋書	唐史
南史	甲志	支志
丁志	巳志	庚志
辛志	癸志	壬志
夷堅志	江表志	宣室志
獨異志	物類相感志	博物志
續博物志	明道雜志	洞微志
清波雜志	類說	說海
說選	說淵	掖青雜說

類苑	類編	類藪
筆談	澠水燕談	席上輔談
抱樸子	山谷刀筆	芥隱筆記
容齋隨筆	坦齋筆衡	醫學綱目
痘疹理辨	外臺秘要	仇遠稗史
東坡大全	明皇雜錄	稽神錄
瑣碎錄	聞奇錄	譚寶錄
汗漫錄	丹鉛錄	清異錄
夢醒錄	續異錄	幙府燕閒錄
避暑錄	吹劍續錄	邵氏聞見錄
續玄怪錄	封演見聞錄	雲烟過眼錄

類苑著書

二

三水小牘

青箱集

唐小說

大全集

太平御覽

北窓炙輠

齊諧記

集異記

菽園記

廣五行記

太平廣記

拾遺記

續神記

治宅編

自樂外編

蘭堂閉藏

太原故事

郭氏治驗

裕陵傳

韓樞密傳

感應神仙傳

吳續先賢傳

世醫傳

志怪

醫統

卮言

鄧正初還述

江煥述

趙宜真述

衛生寶鑑

北夢瑣言

雲麓漫抄

朝野僉載

執林伐山

金門歲節

遜齋閒覽

葉氏錄驗

略例

玉堂閒話

西溪叢話

鐵圍山叢話

王仲言餘話

王明清餘話

胎產須知

韻語陽秋

劉穎叔異苑

南橋徐氏譜

齊東野語

推蓬寤語

酉陽雜俎

游宦紀聞

焦氏筆乘

客坐新聞

泊宅編

諸家姓名

歧伯

華佗 三國

狄仁傑

紀朋

許叔微

王好古

朱彥修

張子剛

張元素

莫君錫

秦越人 周

張仲景 東漢

郭玉

李明之

徐文伯

羅謙甫

滑伯仁

孫兆

羅大無

孫思邈 唐

淳于意

褚澄 南北朝

姚僧坦

錢乙 宋

龐安常

呂元膺

黃子厚

項彥章

葛洪

許胤宗

秦鳴鶴唐

唐甄權

郭雍

張苗

張鉉

孫琳

僧真空

張濟

趙鄉

僧道廣

江壽

程約

劉遵道

壺仙翁

張志和

蔣仲賓

僧寶鑑

陶尚文

祝仲寧

盧砥鏡

劉宗序

張養正

張子和

孫景祥

徐彥純

耿隅

盛文紀

黃師文

陳文中

錢中立

張七政

史載之

盛啓東

陳日新

韓悉

王中陽

王彥伯

倪惟德

王克明

僧奉真

劉宗厚

趙宜真

王舜求

俞子容

孫彥和

唐與正

陳易簡

范九思

游以春

倪仲賢

劉全備

楊吉老

陳良甫

虞花溪

劉仲安

謝石

孫少府

夏威宗

周離亨

徐德占

沈宗常

潘璟

莊先生

劉復真

吳延紹

錢公瑛

俞山人	劉從周	許道
汪古朴	王汝言	虞恒德
汪省之	趙巒	梅師
郝允	意庵	傅滋
石藏用	董系	梁新
杜壬	陸巖	沈繹
張杲	韓飛霞	吳球
玉田隱者	程明祐	茅山道士
吳洋	汪忱	陳斗富
薛巳	江汝潔	程仁甫
汪希說	吳橋	王况

梅聖俞	任承亮	元完顏氏
句驪客	張仲文唐	公孫知
橘泉	狄梁公	抱朴子
張季明	傅愛川	孫景祥
孫知叔	方蔭山	鳳綱
孫道	吳廷紹	呂滄洲
徐可豫	徐希古	海藏
甄權	寶鑑	西園公
吳芟山	李祐婦	沈詵
王敏	張銳	高駢
呂散洲	陸巖	劉仲安

孫光憲	錢希承	祝橘泉
王節齋	田承肇	張致和
朱肱	楊玄亮	崔融
田令孜	陳寨	絳州僧
蒯亮	李生	梁革
于遘	劉錄事	陶俊
崔爽	魏淑	周廣
皇甫及	張易	張萬福
元頊	盧元欽	郝公景
申光遜	王布	趙鄂
李子豫		

名醫類案目錄

第一卷

中風	虛風	傷風
迴風	沓風 <small>附漏風</small>	中寒
中熱	傷寒	瘟疫
大頭天行病	解你	
第二卷		
內傷	命門火衰	中暑
濕	消渴	火熱
鬱	頤養	醫戒
第三卷		

痰

笑哭不常

厥

瘥

瞑目不食

人漸縮小

人暴長大

人化為水

卒死

消瘴

瘴

欬嗽

喘

瘡

第四卷

癰亂

瀉

痢

嘔吐

噎膈

吐酸吞酸

痞滿

腫脹

第五卷

癥瘕

積塊

虛損

勞瘵

汗

不汗

便濁

遺精

麻木

寒中

惡寒

惡熱

熱氣病

第六卷

首風

附頭痛

心脾痛

腹痛

中氣虧損心腹痛腹鳴

膝腫

腰痛

脇痛

腳弱

腳氣附腫痛

脚發

不寐

諸氣

疝癰

多夢

消中

第七卷

諸蟲

身痒

鼻

鬚髮不白

口

瘡

誤吞金鑽

第八卷

血症

痔附腸風
臟毒

哮喘

面病附
腮

眉

目

舌

皮膚皴裂

誤吞水蛭蜈蚣

下血

脫肛

遍身痛

耳

眉髮自落

咽喉

牙

骨硬

蛇虫獸咬

溺血

腎臟風瘡

廉瘡

痿

邪祟

第九卷

淋閉

癰疹

癩風

瘡

翻花瘡

第十卷

背癰疽瘡

前陰病

癩

顛狂心疾

秘結

風痺

癰腫

腫癭

疔瘡

癰疽

腦頂疽

痛風

鬼注

怔忡

黃疸

四肢病

龐贅

瘡瘍

腦頂疽

多骨疽 瘰癧 鬢疽

附骨疽 肺癰 胃癰

腸癰 懸癰 便癰

下疳瘡 肩癰 乳癰

腹癰 囊癰 腰疽

臀癰 腿癰 腳跟瘡

鶴膝風 漏 癩撲損傷

死枕愈病 尸蹇 附鐵線 徽瘡 色診

第十一卷 婦人症

經水 熱入血室 崩漏

帶下 求子 娠症 附男女辨驗

轉胞 交腸 惡阻

胎水胎腫 胎漏 墮胎

胎產併病 胎熱 難產

盤腸產 胎肖 胎忌

胎死作喘 產後 師尼寡婦寒熱

第十二卷 小兒症

胎毒 胎暈 臍風

腎縮 咯血 熱症

寒症 癖為潮熱 汗 附盜

吐瀉 驚搐 驚風

慢驚 腹脹 腹痛

嗽喘	嗽痛	赤丹
癰疹	瘰癧	癬積
黃疽	口瘡	喫泥
痘	疹	嗜卧
異症	湯火金瘡	食忌
丹毒	中毒	脾風
疳積	走馬牙疳	

名醫類按目錄終

名醫類案卷之一

明新都篁南江瑾集

長子應元校正
次子應宿述補

中風

許胤宗治王太后病風不能言口噤而脉沈事急矣非大補不可也若用有形之湯藥緩不及事乃以防風黃耆煎湯數斛置於牀下湯氣薰蒸滿室如霧使口鼻俱受之其父便得語此非智者通神之法不能回也蓋人之口通乎地鼻通乎天口以養陰鼻以養陽天主清故鼻不受有形而受無形地主濁故口受有形而兼乎無形

也

元羅謙甫治太尉忠武史公年近七十於至元戊辰十月初侍國師於聖安寺丈室中煤炭火一爐在左側邊遂覺面熱左頰微有汗師及左右諸人皆出因左頰踈緩被風寒客之右頰急口喎於右脈得浮緊按之洪緩羅舉醫學提舉忽君言甫專科鍼灸先於左頰上灸地倉穴一七壯次灸頰車穴二七壯後於右頰上熱手熨之議以升麻湯加防風秦艽白芷桂枝發散風寒數服而愈或曰世醫多治以續命等湯今用升麻湯加四味其理安在曰足陽明經起於鼻交頰中循鼻外入上齒中手陽明經亦貫於下齒中况兩頰皆屬陽明升麻湯乃

陽明經藥香白芷又行手陽明之經秦艽治口噤防風散風邪桂枝實表而固榮衛使邪不能傷此其理也夫病有標本經絡之別藥有氣味厚薄之殊察病之源用藥之宜其効如桴鼓之應不明經絡所過不知藥性所至徒執一方不惟無益而反害之者多矣學者宜平思之

張安撫年六十餘已未仲冬患風證半身不遂語言蹇澁心神昏憤煩燥自汗表虛惡風如洒冰雪口不知味鼻不聞香臭聞木音則驚怖小便頻多大便秘結燥若用大黃之類下之却便飲食減少不敢用不然則滿悶晝夜不得寐約三月餘凡三易醫病全不減至庚申三月又

因風邪加之痰嗽嗑乾燥疼痛不利唾多中脘氣痞似
噎予思內經有云風寒傷形憂恐忿怒傷氣氣傷臟乃
病臟病形乃應又云人之氣以天地之疾風名之此風
氣下陷入陰中不能生發上行則為病矣又云形樂志
苦病生於脉神先病也邪風加之邪入於經動無常處
前證互相出見治病必求其本邪氣乃服論時月則宜
升陽補脾胃瀉風木論病則宜實表裏養衛氣瀉肝木
潤燥益元氣慎喜怒是治其本也以柴胡黃耆各五分
升麻當歸甘草炙各三分半夏黃蘗酒洗黃芩人參陳
皮芍藥各二分名曰加減冲和湯煎服自汗加黃耆五
分嗽加五味子二十粒夜不得寐乃心事煩擾心火內

動上乘陽分衛氣不得交入陰分使然也以硃砂安神
丸服之由是晝亦得睡此風中腑兼中臟也

真定府臨濟寺趙僧判於至元庚辰八月間患中風半身
不遂精神昏憤面紅頰赤耳聾鼻塞語言不出診其兩
手六脉弦數潔古有云中臟者多滯九竅中腑者多著
四肢今語言不出耳聾鼻塞精神昏憤是中臟也半身
不遂是虫腑也此臟腑俱受病邪先以三化湯一兩內
踈三兩行散其壅滯使清氣上升充實四肢次與至寶
丹加龍骨南星安心定志養神治之使各臟之氣上升
通利九竅五日聲音出言語稍利後隨四時脈證加減
用藥不旬即能行步日以繩絡其病脚如履闕或高

類聚卷一
一
更得人扶之方可踰也又刺十二經之井穴以接經絡
翌日捨繩絡能步幾百步太勢皆去戒之慎言語節飲
食一年方愈

丹溪治一人患滯下一夕昏仆手舒撒自上視渡注汗大
泚喉如拽鋸脉大無倫次此陰虛陽暴絕也蓋得之病
後酒色急灸氣海穴以續陽氣漸甦服人參膏數片而
愈

一肥人中風口喎手足麻木左右俱作痿治以貝母瓜蒌
南星半夏陳皮白朮黃芩黃連黃柏羌活防風荆芥威
靈仙薄荷桂甘草天花粉好喫麩加附子煎入竹瀝薑汁
更加少酒行經

一肥人中風用蒼朮南星酒芩酒栝蒌苓朮通升麻厚朴
甘草牛膝紅花水煎先吐後藥

一婦年六十餘手足左癱不言而健有痰以防風荆芥羌
活南星沒藥乳香木通茯苓厚朴桔梗甘草麻黃全蠍
紅花爲末酒下未効時春脉伏而微又以淡鹽湯韭汁
每早一碗吐之至五日仍以白朮甘草陳皮茯苓厚朴
菖蒲日進二服又以川芎山梔豆豉瓜蒂菴葶粉韭汁
鹽湯吐甚快後以四君子湯服之又以川歸酒芩紅花
本通厚朴鼠粘子蒼朮南星牛膝茯苓爲末酒糊丸服
十日後微汗手足微動而言

一人中風口眼歪斜語言不正口角涎流或半身不遂或

全體如是此因元氣虛弱而受外邪又兼酒色之過也
以人參防風麻黃羌活升麻桔梗石膏黃芩荆芥天麻
南星薄荷葛根赤芍藥杏仁川歸川芎白朮細辛皂角
等分加葱薑水煎入竹瀝半盞隨灸風市百會曲池合
絕骨環跳肩髃三里等穴以鑿竅踈風得微汗而愈
李真一患中風半身不遂羌活愈風湯加天麻荆芥僵蠶
各一錢而愈

吳能三患中風卒中昏不知人口眼喎斜半身不遂痰厥
氣厥二陳湯加薑汁炒黃連天麻羌活麥冬僵蠶南星
荆芥獨活薑汁竹瀝
姜晟年五十三歲好飲酒患中風口喎斜搜風湯內加薑

汁炒黃連地龍全蝎各八分羌活荆芥各一錢

丘信年四十三歲患中風吐甚疼口眼喎斜蘇合香丸服
之就愈後加薑汁竹瀝全愈

徐浦三好色妾四人有色患中風四肢麻木無力半身不
遂四物湯加天麻苦參黃柏知母麥冬人參白朮黃芪
僵蠶全蝎地龍而愈

顧京一年三十二歲患中風半身不遂臂如角弓反張二
陳加麥冬川芎當歸各一錢天麻羌活黃連姜汁炒黃芩
各七分荆芥烏藥各五分數十貼而愈

丘敏六年三十六歲患中風四肢如癱此人好色從幼做
買賣有外事二陳與四物湯加入人參黃耆白朮麥冬薑

汁竹瀝百十貼而愈

周忠信患中風頭疼如破言語蹇澁小續命湯加防已肉桂黃芩杏仁去皮尖芍藥甘草苦藜麻黃去根人參防風壹兩半羌活太附子炮去皮半兩水三鍾棗二枚食前煎服

力延一年三十九歲患中風一身俱麻烏藥順氣散加人參白朮麥冬川芎當歸而愈

陶文三年五十六歲患中風身如刺疼四物湯加防風荆芥蟬脫麥冬蔓荊子

王從一年四十二歲十指盡麻木併面麻乃氣虛症補中益氣湯加木香附子各五分愈又加麥冬羌活防風烏

藥服之全愈

汪文富年四十六歲患中風偏枯四肢不隨手足攣拳二陳湯加防風虎脛骨當歸杜仲牛膝續斷金毛狗脊巴戟石斛各一錢

言清一年三十七歲乃匠者勤於動作能飲酒患中風頭目眩暈二陳湯加防風羌活當歸芍藥人參白朮黃連熟地姜汁製川芎甘蔗汁

胡清年三十六歲平日好飲酒大醉一時暈倒手足俱麻痺用黃芪一兩天麻五錢甘蔗汁半盞時付三患中風雙眼合閉暈倒不知人予也不識四君子湯加竹瀝薑汁二合愈

鄧士付患中風卒暴涎流氣閉牙關緊急眼目俱被損傷
二陳湯加白芷天南星甜葶藶薑汁竹瀝二合愈

金付七患中風攻注四肢骨節痛遍身麻木語言蹇澀二

陳湯加川芎羌活僵蠶枳殼麻黃去節枳梗烏藥服之愈

徐太一年二十三歲患中風一時暈倒不知入母也不識

二陳湯加南星當歸芍藥黃耆熟地姜汁製

孫文正年六十一歲患中風手足癱瘓痰壅盛頭眩二陳

加南星薑汁竹瀝服之愈

宗京舍年二十九歲患中風四肢麻木雙足難行二陳湯

加當歸人參麥冬黃栢杜仲牛膝白朮

何澄患中風四肢不知痛痒麻木乃氣虛大劑四君子湯

加天麻麥冬八分黃耆當歸身

穆林年五十四歲患中風併小腸疝氣二陳湯加吳萸胡

蘆芭小茴香熟地各一錢

祝橘泉治英國公病左癱不語氣上壅醫以為中風用順

氣祛風之劑弗効祝曰此痰火濕熱所致與之清燥化

痰前後飲竹瀝數升愈

王節齋治一壯年人忽得暴疾如中風口不能言目不識

入四肢不舉急投蘇合香丸不効王偶過聞之因詢其

由曰適方陪客飲食後忽得此症遂教以煎生薑淡鹽

湯多飲探吐之吐出飲食數碗而愈

虞恒德治一婦年五十七身肥白春初得中風暴仆不知

人事身僵直口噤不語喉如拽鋸水飲不能入六脉浮
大弦滑右甚於左以藜蘆末一錢加麝香少許灌入鼻
竅吐痰一升許始知人事身體略能舉動急煎小續命
湯倍麻黃連進二服覆以衣被得汗漸甦省能轉側但
右手足不遂語言蹇澁後以二陳湯加芎歸芍藥防風
羌活等藥合竹瀝薑汁日進二三服若三四日大便不
去則不能言語即以東垣導滯丸或潤腸丸微利之則
言語復正如此調理至六十餘得他病而卒

江陵府節度使進補養丸方臣有弟訢年三十中風牀枕
五年百藥不差有道人鍾針者因觀此患可餌補養丸
必愈其藥多生沃壤五月間收洗去土摘其葉及枝頭

九蒸九曝不必太燥但取蒸黑爲度杵爲末煉蜜丸梧
桐子大空心溫酒米飲下二三十九所患忽如不得憂
至四十服必復如故五十服當丁壯奉宣付醫院詳錄
又知益州張詠進表云臣因換龍興觀掘得一碑內說
修養氣術并藥二件依方差入採覓其草頗有異金陵
紫芟素根紫葉對節而生蜀號火杵莖葉頗同蒼耳誰
知至賤之中乃有殊常之効臣自喫至百服眼目輕明
卽至千服鬚髮烏黑筋力輕健効驗多端臣本州有都
押衙羅守一曾因中風墜馬失音不語臣與千服其病
立痊又僧智嚴年七十患偏風口眼喎斜時時吐涎臣
與七服亦便瘥今合一百劑差職員皮元奏進本草

薛已治王進士因勞役失於調養忽然昏憤此元氣虛火妄動挾痰而作急令灌童便神思漸爽更用參芪各五錢芎歸各三錢玄參柴胡山梔炙甘草各一錢服之稍定察其形倦甚又以十全大補加五味麥門冬治之而安凡人元氣素弱或因起居失宜或因飲食勞倦或因用心太過致遺精白濁自汗盜汗或內熱肺熱潮熱發熱或口乾作渴喉痛舌裂或胃乳膨脹脇肋作痛或頭頸時痛眩暈目花或心神不寧寤而不寐或小便赤澀莖中作痛或便溺餘滴臍腹陰冷或形容不充肢體畏寒或鼻氣急促或更有一切熱症皆是無根虛火但服前湯固其根本諸證自息若攻其風熱則誤矣

艾郭武牙關緊左腮腫不能言口眼牽動神昏欲絕六脈沈細而瀋乃中寒濕所致非中風也即以薑汁調白末子灌入半盞吐痰四五口又磨至寶丹灌之又吐痰數口氣得通張眼四顧驚號大哭片時復昏不語繼以五積散加木香南星附子白朮茯苓自當日午至來早服藥四盞患人方甦三日後大便洞利三行皆是痰積又與虎骨酒服之全愈

一男卒中口眼喎斜不能言語遇風寒四肢拘急脈浮而緊此手足陽明經虛風寒所乘用秦艽升麻湯治之稍愈乃以補中益氣加山梔而全若口瘡不能言足痿不能行屬腎氣虛弱名曰痲症宜用地黃飲子治之然此

症皆由將息失宜腎水不足而心火暴盛痰滯於胃也
輕者自甦重者必死

一男子體肥善飲舌本強硬語言不清口眼喎斜痰氣湧
盛肢體不遂薛以爲脾虛濕熱用六君加煨葛根山柃
神曲而痊

一人年六十餘素善飲兩臂作痛恪服祛風治痿之藥更
加麻木發熱體軟痰湧腿膝拘痛口噤語澁頭目暈重
口角流涎身如蟲行搔起白屑薛曰臂麻體軟脾無用
也痰涎自出脾不能攝也口斜語澁脾氣傷也頭目暈
重脾氣不能升也痒起白屑脾氣不能榮也遂用補中
益氣加神曲半夏茯苓三十餘劑諸症悉退又用參朮

煎膏治之而愈

顧憲慕飲食起居失宜左半身並手不遂汗出神昏痰涎
上湧用參朮大補之劑汗止而神思漸清頗能步履後
不守禁左腿自膝至足腫脹甚大重墜如石痛不能忍
其痰甚多肝脾腎脈洪大而數重按則軟瀦朝用補中
益氣加黃柏知母麥門五味煎送地黃丸晚用地黃丸
料加黃柏知母數劑諸症悉退但自弛禁不能全愈耳
一男子時瘡愈後遍身作痛服愈風湯半身不遂痰涎上
湧夜間痛甚薛作風客淫氣治以地黃丸而愈
一老人兩臂不遂語言蹇澁服祛風之藥筋攣骨痛此風
藥虧損肝血益增其病也薛用八珍湯補其氣血用地

黃丸補其腎水佐以愈風丹而愈

一婦人因怒吐痰脅滿作痛服四物二陳參連枳殼之類不應更加祛風之劑半身不遂筋漸攣縮四肢痿軟日晡益甚內熱口乾形體倦怠薛以為鬱怒傷肝脾氣血復損而然遂用逍遙散補中益氣湯六味地黃丸調治喜其謹疾年餘愈

一婦人脾胃虛弱飲食素少忽痰湧氣喘頭掙目劄手揚足擲難以候脈觀其面色黃中見青此肝木乘脾土用六君加升麻柴胡治之而甦更以補中益氣加半夏調理而痊

一婦人懷抱鬱結筋攣骨痛喉間似有一核服烏藥順氣

散等藥口眼歪斜臂難伸舉痰涎愈甚內熱晡熱食少體倦薛以為鬱火傷脾血燥生風所致加味歸脾湯二十餘劑形體漸健飲食漸加又服加味道遙散十餘劑痰熱少退喉核少利更用升陽益胃湯數劑諸症漸愈但臂不能伸此肝經血少用地黃丸而愈

車駕王用之卒中昏憤口眼喎斜痰氣上湧咽喉有聲六脈沈伏此真氣虛而風邪所乘以三生飲一兩加入參一兩煎服即甦若遺尿手撒口開鼾睡為不治用前藥亦有得生者夫前飲乃行經絡治寒痰之藥有斬關奪旗之切每服必用人參兩許駕驅其邪而補助真氣否則不惟無益適足以取敗矣觀先哲用芪附參附等湯

其義可見

曾公談錄荆芥穗爲末以酒調下二三錢凡中風者服之立愈前後甚驗是時順兒疾已革以酒滴水調服之立定真再生也

江寧南治休寧臨塘范本濟邑尹之內年五十餘夜間卒然暈倒在甕前口眼喎斜口角涎流初不知人少間略省面前要火燻灼乃以南星半夏陳皮川芎枳殼僵蠶天麻參芪甘草等藥至夜半汗出不止復昏暈甚手足抽掣乃以人參八錢黃耆五錢防風一錢附子七分與之作二三次服踰時吐出藥少許併查飲之不吐汗收飲次早頗能言右手能動舉苦頭痛及遍身痛以人參

四錢白朮陳皮歸芎南星各一錢半夏一錢半白芷七分荆穗秦艽蔓荆子各五分甘草三分加竹瀝薑汁夜半因惱怒復暈移時至次早頭痛未解要人以手按痛處稍安時時欲人執持兩手以人參一錢半夏一錢五分白朮歸芎南星陳皮白芷荆穗甘草各一錢細辛二分是日頭痛稍減晚間復服一劑續加天麻蔓荆子之類出入調治一月而愈

江應宿治淮商朱楓野年五十二歲患中風月餘逆予診視六脉滑數弦長重按無力口角涎流言語蹇澀飲食作嘔此七情內傷熱勝風動之症調以六君秦艽天麻芩連瓜薑薑汁竹瀝補以六味丸風熱漸退手能作字

家眷遠來以爲飲食少欲求速効請京口一醫投十六
味流氣飲繼進葳蕤三錢予曰必死是藥矣預煎人參
一兩候至夜分果大瀉神脫厥去不知入予自持參湯
灌之後甦予遂辭歸白下越旬月而訃音至惜哉此商
而儒行者本虛病誤投下藥是犯虛之戒

休寧程少溪賈秣陵城年四十八歲三月初旬往茅山進
香衣著單薄中途遇雨衣被盡濡止宿旅舍帶溫睡卧
回入城患中風左手足不遂口眼歪斜言語蹇澁面腫
流涎口開眼合手撒喉如曳鋸汗出如油吃逆不定昏
憤頭痛如破煩燥不寧諸醫環視議作風痰投以二陳
加枳實瓜蒌等連膽星三四日殊無退症逆予診視六

脈浮大弦滑重按豁然右大於左一倍此平時酒色過
度兼之外感風邪臟腑俱受病而陽明經君多投白虎
加小續命湯一匕而吃逆止口閉涎收再二劑眼開呻
吸和而諸症漸減脈始斂兩手停勻已踰險巖予有事
暫回一二輩流言病症雖減人參附子乃劫藥若多服
恐留熱毒在中遂易醫仍服二陳加寒涼二十餘劑頑
然如舊反加鼻瘡目眇赤爛胃乳脹痛煩燥益盛復召
予診視皆虛熱無根之火乃用六味九料加參附麥門
五味玄參知母二服安然頭痛除而虛熱減謗又至云
參芪必不可服病家疑固不肯用予固辭既不用參吾
無奇術矣然二陳苓連雖不去病亦無傷也但不可輕

用下痿峻利丸散不補正氣必成癱瘓可延歲月耳遂歸不復往

宿按中風有真中類中之不同世人因名而迷其實昔人主乎風河間主火東垣主氣丹溪主濕未嘗外風而言但云致病之因豈可偏廢昔人主風者乃外感之風邪為真中風以立名三子曰火曰氣曰濕乃按內傷為類中本氣所自病也名同而實異經曰蒼天之氣清靜則志意治順則陽氣固雖有大風痲毒弗能害也是故邪之所湊其氣必虛夫人年踰四旬陽明腠衰於上面焦髮白陰氣衰於下將息失宜腎水虛衰心火暴盛無制而成天地不交之否加之七

情悒鬱憂思念怒傷其氣者多有此症氣虛卒倒曰氣厥卒厥尸厥寒厥風非風謔中濕即中氣之陰症虛病脈必沈伏緩弱身涼少痰涎手足不備廢治宜豁痰開鬱先以蘇合丸次以二陳四君調以補中益氣加桂附扶虛行氣則風從氣運而散有風熱痰火曰痰厥食厥熱厥暑風漏風即中氣之陽症內實脈必弦數或洪大弦滑有力可從子和三法所謂熱勝風動之症調以通聖辛涼補血滋陰潤肝緩氣風熱自退若年高虛熱者脈雖弦數而虛弱無力又忌汗吐調從丹溪二陳加芩連羌防瓜薑薑汁竹瀝若真中風邪東垣中經中血脈中腑中臟外有六經形症

偏枯痿易癱瘓不隨脈必浮弦緊盛中腑者多着四肢中臟者多滯九竅中腑者以小續命湯應六經加減通經發散入臟則內有便溺之阻輕則導滯九麻仁丸重則三化湯通其壅塞或外無六經之證內無便溺之阻肢不能舉口不能言此中經也宜大秦朮湯補血以養筋以上三中諸般種之輕重不同豈可不審寒熱虛實內外有無傷感所挾真中類中混同施治槩以二陳芩連損真之劑單治痰火鮮不敗事表而出之以俟知者

孫斗華赴試南都六月初旬夢遺畏寒驚懼重裘厚被取汗過多身熱六脉滑數無方與清暑益氣湯次日舌強

語言不清如顛目瞪不識人參白虎湯加膽星僵
先燒秦艽天麻薑汁竹瀝漸愈數日後舌心黑如墨與黃
連解毒湯涼膈散瀉心湯不退與犀角地黃湯而愈此
暑風類中

虛風

江應宿治大司成許穎陽公頭振動搖診得六脉沈緩左關尺散軟無力即告之曰此虛風候也公乃日侍經筵矜持太過傷損肝腎二經之血分耳經曰諸風掉眩皆屬於肝又曰恐傷腎恐懼不已則火起於腎而消鑠精血腎水一虧則心火暴盛無制故曰諸逆衝上皆屬於火風火相扇而掉搖治療之法唯宜養血順氣氣行而痰自消血榮而風自滅矣為製養血膏一料枸杞為君參芪歸朮為臣天麥二冬為使更製定振丸酒煮黃連薑制半夏為君四物養血為臣參芪白朮為佐天麻秦朮靈仙荆防全辛為使蜜丸晝用養血膏夕服定振丸

月餘獲効三越月漸愈

浙商朱鶴子年九歲忽患手足抽掣動搖弄舌吐沫面白唇青諸醫或作風治驚治火治痰治雜進珠犀金石牛黃琥珀蜈蚣全蝎等藥幾殆予診視右手三部沈弱無力左手滑大此脾虛生風之症理宜大補用歸脾湯加桂附一匕搖定減去桂附大劑參芪六服全愈

虛風有陰陽之異前按為精血之虛曰陰虛後按為元氣之虛曰陽虛陰虛者涼肝補腎陽虛者溫肺健脾若作風治是犯虛虛之戒

傷風

丹溪治金得年三十八歲面色青白患傷風身熱大便不

通小柴胡湯加羌活枳殼桃仁麻子仁各七分

一人黑色能飲酒患傷風頭疼身疼如火熱骨痛無比不

喫飯人參敗毒散加乾葛

盧正一年四十五歲患傷風腰疼身熱飲水小柴胡湯加

杜仲牛膝天花粉連翹乾葛

王成三患傷風腹瀉百二十來度五苓散加白朮三錢前

胡八分羌活一錢蒼朮二錢神曲炒一錢

方愷三患傷風心疼敗毒散加山柃炒九分白芍一錢五

分草薺一錢五分木香煨一錢

類聚卷一

十一

祝顛一患傷風小便白濁無度小柴胡湯加黃柏知母白
朮芍藥當歸各一錢蓮肉去心一錢秋石八分

薛立齋治鴻臚蘇龍溪患傷風咳嗽氣喘鼻塞流涕用參
蘇飲一劑以散寒邪更用補中益氣湯以實腠理而愈
後因勞怒仍作自用前飲益甚加黃連枳實腹脹不食
小便短少服二陳四苓前症愈劇小便不通薛曰腹脹
不食脾胃虛也小便短少肺腎虛也悉因攻伐所致投
以六君加黃芪炮薑五味二劑諸症頓退再用補中益
氣加炮薑五味數劑全愈

余憲阮君聘患傷風咳嗽面白鼻流清涕此脾肺虛而兼
外邪用補中益氣加茯苓半夏五味治之而愈又用六

君芎歸之類而安

吳江史安卿子傷風用表散化痰之藥反痰盛咳嗽肚腹
膨脹面色眊白此脾肺俱虛用六君子加桔梗一劑頓
愈至二日前症又作鼻流清涕此復傷風也仍用前藥
加桑皮杏仁而愈

史玄年子喘嗽胃腹膨脹泄瀉不食此飲食傷脾土而不
能生肺金也用六君子湯一劑諸症頓愈

宿曰余每治傷風外感而無內傷者但用九味羌活
湯參蘇飲無不立愈予自感冒必補中氣而外邪始
解可見人之稟賦萬有不齊豈可一例表散今觀薛
按與予元氣弱者昭合於此虛實可見

迴風

淳于意治齊淳于司馬病切其脉告曰當病迴風迴風之
狀飲食下嗝輒後之病得之飽食而疾走淳于司馬曰
我之王家食馬肝食飽甚見酒來即走去驅疾至舍即
泄數十出臣意告曰為火齊米汁飲之七八日而當愈
時醫秦信在旁臣意去謂左右閣都尉曰意以淳于司
馬病為何曰以為迴風可治信即咲曰是不知也淳于
司馬病法當後九日死即後九日不死其家復召臣意
意往問之盡如意診臣即為一火齊米汁使服之七八
日病已所以知之者診其脉時切之盡如法其病順故
不死

[Faint bleed-through text from the reverse side of the page]

陽虛候相趙章病召臣意衆醫以爲寒中臣意診其脉曰
迴風迴風者飲食下嗝而輒不留法曰五日死而後十
日乃死病得之酒所以知趙章之病者臣意切其脉脉
來滑是內風氣也飲食下嗝而輒出不留者法五日死
皆爲前分界法後十日乃死所以過期者其人嗜粥故
中藏實中藏實故過期師言曰安穀者過期不安穀者
不及期史記

漏風

漏風附

安陽武都里成開方自言以爲不病臣意診之謂病苦脊
風三歲四肢不能自用使人瘖也失音瘖即死今聞其四
肢不能用瘖而未死也病得之數飲酒以見大風氣所以
知成開方病診之其脉法奇咳言曰藏氣相反者死功之
得腎反肺法曰三歲死也史記

江少微治黃三輔年踰四旬醉飲青樓夜卧當風患頭痛
發熱自汗盜汗飲食不進醫治十餘日罔効診得六脉
浮洪重按豁然飲酒當風名曰漏風投以白朮澤瀉酒
煎而熱退汗仍不止心口如水此思慮所致與歸脾湯
加麻黃根桂枝十數服而愈頭痛不已用白蘿汁吹入

鼻中立止

類聚卷一

二十七

中寒

羅謙甫治參政商公年六旬餘原有胃虛之證至元己巳夏上都住時值六月霖雨大作連日不止因公務勞後過度致飲食失節每且則臍腹作痛腸鳴自利須去一二行乃少定不喜飲食懶於言語身體倦困羅診其脉沈緩而弦參政以年高氣弱脾胃素有虛寒之證加之霖雨及勞役飲食失節重虛中氣難經云飲食勞倦則傷脾不足而往有餘隨之若歲火不及寒乃大行民病驚濤今脾胃正氣不足腎水必挾木勢反來侮土乃薄所不勝乘所勝也此疾非甘辛大熱之劑則不能瀉水補土雖夏暑之時有用執遠熱之戒又云有假者反之

是從權而治其急也內經云寒淫於內治以辛熱乾薑
附子辛甘大熱以瀉寒水用以爲君脾不足者以甘補
之人參白朮甘草陳皮苦甘溫以補脾土胃寒則不欲
食以生薑草薤蔥辛溫治客寒犯胃厚朴辛溫厚腸胃
白茯苓甘平助薑附以導寒濕白芍藥酸微寒補益瀉
木以防熱傷肺氣爲佐也不數服良愈

吳球治一人暑月遠行渴飲泉水至晚以單蓆陰地上睡
頃間寒熱吐瀉不得身如刀刮而痛醫曰此中暑也進
黃連香薷飲一服次以六和湯隨服隨厥吳診其脈細
緊而伏曰此中寒也衆皆笑曰六月中寒有是事乎吳
曰人肥白素畏熱好服涼劑况遠行途中飲水必多今

單蓆卧地夏月伏陰深中寒氣當以附子理中湯大服
乃濟病者曰吾在家夏常服金花黃連丸今途中多服
益元散及瓜水因得此患吳曰此果然也用之甚効按
張仲景云夏月陽氣在表胃中虛冷故欲著腹衣今人
酷熱日取風涼夜多失蓋飲水食瓜菓多服涼劑或以
井泉浴體久而不成患者鮮矣

一富翁患中寒陰症各醫盈座最後延御醫吳至診之曰
非附子莫救但忘携來令人之市揀極重者三枚生切
爲一劑計重三兩投之衆醫吐舌潛裁其半以兩半爲
劑進之病遂已吳復診曰何減吾成藥也問之知減其
半曰噫嘻吾投三枚將活三年也今止活年半耳後年

餘復病而卒脉藥之神如此

江應宿見一木商自云曾經五月放樹又立風雨濕地衣服盡濡患寒熱交作遍身脹痛欲人擊打莫知為何病服藥罔効忽思燒酒熱飲數盃覺腹中寬快數飲至醉良愈此中寒濕醫莫能察識耳

饒州吳上舍僕年踰二十患小腹卒痛四肢厥冷江診得六脉沈伏此中寒陰症投附子理中湯一匕而愈

中熱

淳于意治齊王侍醫遂病自練五石服之臣意往告之遂謂意曰不肖有病幸診遂也臣意即診之告曰公病中熱論曰中熱不溲者不可服五石石之為藥精悍公服不得數溲亟勿服色將發臃遂曰扁鵲曰陰石以治陰病陽石以治陽病夫藥石者有陰陽水火之齊故中熱即為陰石柔齊治之中寒即為陽石剛齊治之臣意曰公所論遠矣扁鵲雖言若是然必審診起度量立規矩稱權衡合色脉表裏有餘不足順逆之法參其人動靜與息相應乃可以論論曰陽疾處內陰形應外者不加悍藥及鑿石夫悍藥入中則邪氣辟矣而宛氣愈深診

法曰一陰應外一陽接內者可以剛藥剛藥入則動陽陰病益衰陰病益著邪氣流行為重困於命忿發為疽意告之後百餘日果為疽發乳上入缺盆死此謂論之大體也必有經紀拙工有一不習文理陰陽失矣

傷寒

南史記范雲初為陳武帝屬官武帝有九錫之命雲忽感傷寒恐不得預慶事召徐文伯診視問曰可使得愈乎文伯曰便瘥甚易正恐二年後不復起耳雲曰朝聞道夕死可矣况二年乎文伯於是先以火煨地布桃栢葉布席置雲其上頃刻汗出以溫粉裹之翌日遂愈雲甚喜文伯曰不足喜後二年果卒夫取汗先期尚促壽限况不顧表裏不待時日便欲速愈者耶今病家不耐病未病三四日晝夜督汗醫者隨情順意鮮不致害故書此為戒

許學士叔微云一鄉人傷寒身熱大便不通煩渴鬱冒醫

者用巴豆藥下之頃得漉利宛然如舊予視之陽明結熱在裏非大柴胡承氣等不可巴豆止去積不能蕩滌邪熱蘊毒亟進大柴胡等三服得汗而解

一鄉人立生者病傷寒許為診視發熱頭痛煩渴脈雖浮數而無力尺以下遲而弱許曰雖麻黃證而尺遲弱仲景云尺中遲者榮氣不足血氣微少未可發汗用建中湯加當歸黃芪令飲翌日脈尚爾其家煎迫日夜督發汗藥言幾不遜矣許忍之但只用建中調榮而已至五日尺部方應遂投麻黃湯啜二服發狂須臾稍定略睡已得汗矣信知此事為難仲景雖云不避晨夜即宜便治醫者須察其表裏虛實待其時日若不循次第暫時

得安虧損五臟以促壽限何足貴也

一人病發熱惡寒自汗脈浮而微弱三服桂枝湯而愈此方在仲景一百十三方內獨冠其首今人全不用惜哉仲景云太陽中風陽浮而陰弱陽浮者熱自發陰弱者汗自出啻啻惡風淅淅惡寒翕翕發熱宜桂枝湯此脈與證仲景說得甚分曉止是人看不透所以不敢用仲景云假令寸口脈微名曰陽不足陰氣上入陽中則洒淅惡寒也尺脈弱名曰陰不足陽氣下陷入陰中則發熱也此謂元受病而然也又曰陽微則惡寒陰弱則發熱醫妄汗之使陽氣微太下之令陰氣弱此謂醫所病而然也太抵陰不足陽往從之故內陷而發熱陽不足

陰往乘之故陰上入陽中則惡寒舉此二端明白何憚而不行桂枝哉

一人病傷寒身熱頭痛無汗大便不通已四五日醫者將治大黃朴硝等下之許曰子姑少待予爲視之脈浮緩臥密室中自稱甚惡風許曰表證如此雖大便不通數日腹不脹別無所苦何遽便下之大抵仲景法須表正罷方可下不爾則邪乘虛入不爲結胃必爲熱劑也作桂枝麻黃各半湯繼之以小柴胡藪藪汗出大便亦通而解仲景云凡傷寒之病多從風寒得之始表中風寒入裏則不消矣擬欲攻之當先解表乃可下之若表已解而內不消太滿太實堅有燥屎自可徐下之雖四五

日不能爲禍也若不宜下而便攻之內虛熱入協熱自利煩燥之變不可勝數輕者困篤重者必死矣

一丈夫因入水發熱倦怠以白朮陳皮乾葛蒼朮各二錢人參川芎各一錢五分生芪一錢甘草些少分作三貼服愈

一人年近五十自來大便下脈來遲濇面黃人倦者二年矣九月間因勞倦發熱已自服參蘇飲兩貼熱退續早起過勞遇寒兩手背與面紫黑昏仆少頃復醒大發熱妄語口渴身痛至不可眠脉之三五不調微帶數重取虛豁左大於右許以人參一錢五分帶節麻黃黃芪各一錢白朮二錢當歸身五分與五貼得睡醒來大汗如

兩遂安兩日後再發熱脇痛咳嗽若睡時嗽不作而妄語且微惡寒診其脉似前而左略帶緊許曰此體虛再感寒也再與前藥加半夏茯苓十餘貼再得大汗而安身倦至不可久坐不思食用補中益氣湯去涼藥加神曲半夏宿砂五十七貼而安

一士人家病者二人皆旬日矣一則身熱發汗大便未通小便如經神昏而睡診其脉長大而虛用承氣下之而愈一則陽明自汗大便不通小便便利津少口乾燥其脉亦大而虛予作蜜兌三易之下燥屎得溏利而解一人患傷寒目痛鼻乾不得卧大便不通尺寸脉俱大已數日一夕汗出許謂速以大柴胡下之醫駭曰陽明自

汗出津液已漏法當用蜜兌何須用大黃藥許謂曰子只知把穩若用大柴胡此仲景不傳之妙子殆未知也乃竟用大柴胡二貼而愈仲景論陽明之病多汗者急下之人多謂已是自汗若下之豈不表裏俱虛又如論少陰云少陰病一二日口乾燥者急下之人多謂病發於陰得之日淺但見乾燥若更下之豈不陰氣愈盛舉斯二者則其疑惑者不可勝數此仲景之書世人罕讀也子謂不然仲景稱急下之者亦猶急當救表急當救裏凡稱急者有三處謂絕覺汗多未至津流乾燥便速下之則為捷徑免致用蜜兌也若胃中識得了了方無可疑若未能了了俱用之反不若蜜兌為穩也

一士人得太陽症因發汗汗不止惡風小便滴足攣屈而不伸診其脈浮而大浮爲風大爲虛許曰在仲景方中有兩證大同而小異一則小便難一則小便數用藥少差有千里之失仲景第七證云太陽病發汗遂漏不止其人惡風小便難四肢微急難以屈伸者桂枝加附子湯第十六證云傷寒脈浮自汗出小便數心煩微惡寒脚攣急反以桂枝湯攻表此俱也得之便厥咽中乾煩燥吐逆一則漏風小便難一則有汗小便數或惡風或惡寒病各不同也予用第七證桂枝加附子湯三啜而汗止佐以甘草芍藥湯足便得神

侯輔之病脈極沈細內寒外熱肩背胷脇痲出入數點語

言狂亂或曰發狂讖語非熱乎許曰非也陽爲陰通上入於肺轉之皮毛故痲出神不守舍故錯如狂非讖語也肌表雖熱以手按熱須臾冷透如水與薑附等藥數日約二十餘兩後得大汗而愈後因再發脈又沈遲三四日不大便與理中丸三日內約半斤其疾全痊侯生之狂非陽狂之狂乃失神之狂卽陰也

一人病傷寒大便不利日晡發潮熱手循衣從兩手撮空直視喘急更數醫矣見之皆走此誠惡候得此者十中九死仲景雖有症而無治法但云脈弦者生澁者死已經吐下難於用藥謾且救之若大便秘通而脈弦者庶可治也與小承氣湯一服而大便利諸疾漸退脈且微

弦半月愈或問曰下之而脉弦者生此何謂也許曰金匱玉函云循衣妄撮怵惕不安微喘直視脉弦者生逆者死微者但發熱譫語承氣湯主之予嘗觀錢仲陽小兒直訣云手循衣領及捻物者肝熱也此證在玉函列於陽明部蓋陽明者胃也肝有熱邪淫於胃經故以承氣瀉之且得弦脉則肝平而胃不受尅所以有生之理讀仲景論不能博通諸醫書以發明其隱奧專守一書吾未見其能也

掌治循衣撮空得愈者數人皆用大補氣血之劑也惟一人兼膠振脉代遂於補劑中略加桂二分亦振止脉和而愈

一人病傷寒初嘔吐俄為醫者下之已七八日而內外發熱許診之曰當用白虎加人參湯或曰既吐復下宜重惠矣白虎可用乎許曰仲景云若吐下後七八日不解熱結在裏表裏俱熱者白虎加人參湯正相當也蓋始吐者熱在胃脫而脉洪滑人參白虎湯而愈仲景既無傷寒若嘔吐後七八日不解熱結在裏表裏俱熱者白虎加人參湯主之又云傷寒脉浮發熱無汗其表不解不可與白虎湯又云脉浮滑此以表有熱裏有寒白虎湯主之國朝林億校正謂仲景於此表裏自差矣予謂不然大抵白虎能除傷寒中暍表裏發熱故前後二證或曰表裏俱熱或云表熱裏寒皆可服之一種脉浮無

汗其表不解，全是麻黃與葛根證，安可行白虎也。林億見所稱表裏不同，便謂之差互，是亦不思之過也。

海秦一母病，太陰病三日不解，後嘔惡心而脈不浮，醫與半礪丸二三服，不止，復與黃芪建中湯，脈中極緊，無表裏胃中大熱，發渴引飲，皆曰陽證，欲飲之水許不與，與薑附等藥，緊脈反沈，細陽猶未生，以桂附薑烏之類，以酒丸以百九接之，二日十餘服，病人身熱煩燥，不寧欲作汗也。又以前丸接之，覆以厚衣，陽脈方出而作大汗，翌日大小始通，下瘀血一盆如豚肝，然用胃風湯加桂附三服，血止其寒甚如此，亦世之稀見也。

一人病傷寒，心煩喜嘔，往來寒熱，醫以小柴胡與之，不除。

許曰：暎洪大而實熱結在裏，小柴胡安能去之。仲景云：傷寒十餘日，熱結在裏，復往來寒熱者，與大柴胡湯。三服而病除。大黃瀼瀼蘊熱傷寒中，要藥王叔和云：若不

用大黃，恐不名大柴胡，須是酒洗生用為有力。一舟子病傷寒，發黃鼻內酸痛，身與目如金，小便赤而數，大便如經，或欲行茵陳五苓，許曰：非其治也。小便和太便如常，則知病不在臟腑。今眼睛赤，鼻頰痛，是病在清道中，清道者華蓋肺之經也。若下大黃，則必腹脹為逆，亦用瓜蒂散先食水，次搗之，鼻中黃水盡乃愈。

一人病傷寒，脈浮而長，喘而胃滿，身熱，頭痛，腰脊強，鼻乾，不得卧。許曰：太陽陽明合病，仲景法中有三證，下利者

葛根不下利嘔逆者加半夏喘而胃滿者麻黃湯也治以麻黃湯得解

一武官為寇執置舟中艤被數日得脫乘饑恣食良久解衣捫虱次日遂傷寒自汗而雨不利一醫作傷食而下之一醫作解衣中邪而汗之雜治數日漸覺昏困上喘息高許診之曰太陽下之表未解微喘者桂枝加厚朴杏仁湯此仲景法也指冷醫者急治藥一啜喘定再啜漿粳微汗至晚身涼而脈已和矣醫曰其平生未嘗用仲景方不知其神捷如此

一人年三十初得傷寒脈弱惡風醫以麻黃藥與之汗遂不止發熱心多驚悸夜不得眠謔語不識人筋惕肉瞤

振振動搖醫又進驚風藥許曰強汗之過也仲景云脈微弱汗出惡風不可服青龍湯服之則筋惕肉瞤此為逆也惟真武湯可救遂進三服繼以清心丸竹葉湯數日遂愈

一人病傷寒八九日身熱無汗時時譫語時因下利大便不通三日矣非燥非煩非寒非痛晝夜不得卧但心中無曉會或時發一聲如嘆息之狀醫者不省是何證許診之曰此懊憹怫鬱二證俱作也胃中有燥屎者承氣湯下燥屎二十餘枚得利而解仲景云陽明病下之心下懊憹微煩胃中有燥屎者可攻又云病者小便不利大便乍難乍易時有微熱怫鬱不得卧者有燥屎也

承氣湯主之素問云胃不和則卧不安此夜所以不得
眠也仲景云胃中燥大便堅者必譫語此所以有時發
譫語也非燥非煩非寒非痛所以心中懊懣也聲如嘆
息而時發一聲所謂外氣拂鬱也燥屎得除大便通利
胃中安和故其病悉去也

一人得疾六脉沈伏不見深按至骨則弱緊有力頭疼身
温煩燥指末背冷中滿惡心更兩醫矣醫者不識止投
調氣藥許因診視曰此陰中伏陽也仲景法中無此證
世人患此者多若用熱藥以助之則為陰邪兩絕不能
導引真陽反生客熱用冷藥則所伏真火愈見銷鍊須
用破散陰氣導達真火之藥使火外水降然後得汗而

解乃授以破陰丹

方見醫學綱目陰毒類

二百粒作一服冷鹽湯

下不半時煩躁狂熱手足躁擾其家大驚許曰俗所謂
換陽也須臾稍定略睡身少汗自昏達旦方止身涼而
病除

一婦人狐惑聲啞多眠目不閉惡聞食臭不省人事者半
月後又手足拘強脉數而微細先與竹瀝薑汁一盞服
之忽曾有汗腹鳴即日閉省人事遂用參朮歸陳入竹
瀝薑汁飲之五六貼全愈

李東垣治一人二月病傷寒發熱醫以白虎湯投之病者
面黑如墨本證不復見脉沈細小便不禁李初不知用
何藥及診之曰此立夏前誤用白虎之過白虎湯太寒

非行經之藥止能寒腑臟不善用之則傷寒本病隱曲於經絡之間或更以大熱之藥救之以苦陰邪則他證必起非所以救白虎也有溫藥之升陽行經者吾用之有難者曰白虎太寒非太熱何以拯君之治奈何李曰病隱於經絡間陽不升則經不行經行而本證見矣又何難焉果如其言而愈

一男子年十五六病傷寒目赤而煩渴脈七八至醫欲以承氣湯下之已煮藥而李適從外來醫告之故李切脈大駭曰幾殺此兒內經有言在脈諸數為熱諸遲為寒今脈八九至是熱極也而會要大論曰病有脈從而病反者何也脈至而從按之不鼓諸陽皆然一本云此陰

盛格陽於外非熱也此傳而為陰症矣令持薑附來吾當以熱因寒用法製之藥未就而病者瓜甲變頓服者八兩汁尋出而愈

按此與王海藏治狂言發斑身熱脈沈細陰證例同東垣又有治腳膝痿弱下尻醫皆冷陰汗膝臭精滑不固脈沈數有力為火鬱於內逼陰向外為陽盛拒陰用苦寒藥下之者此水火徵兆之微脈證治例之妙王太僕曰紀於水火餘氣可知

羅謙甫治靜江府提刑李君長子年十九歲至元壬午四月間病傷寒九日醫作陰症治之與附子理中丸數服其症增劇更一醫作陽症議論差互不敢服藥決疑於

羅羅至寘客滿坐羅不敢直言譏細為分解凡陽證者身須大熱而手足不厥卧則坦然起則有力不惡寒反惡熱不嘔不瀉渴而飲水煩躁不得眠能食而能語其脉浮大而數者陽證也凡陰證者身不熱而手足厥冷惡寒倦卧面向壁卧惡聞人聲或自引衣蓋覆不煩渴不欲食小便自利大便反快其脉沈細而微遲者皆陰症也某傷寒診其脉沈數得六七至夜叫呼不絕全不得睡又喜飲冰水陽證悉具且三日不見大便宜急下之乃以酒煨大黃六錢炙甘草二錢芒硝二錢煎服至及下數行去燥糞二十餘塊是夜汗大出次日身涼脉靜矣予思素問熱論云治之各通其臟腑仲景述傷寒

論六經各異傳變不同活人書亦云凡治傷寒先須明經絡不識經絡觸途冥行鮮不誤矣

一人患傷寒無汗惡風項既屈而且強羅曰項強凡凡葛根湯證或問何謂凡凡羅曰凡凡者如凡人疾屈而強也謝復古謂病人羸弱須憑凡而起誤也蓋仲景論中極有難曉處振振欲擗地心中懊懣外氣怫鬱鬱冒不仁膈內拒痛如此之類甚多成無已註凡音殊凡凡為短羽鳥引鷄之貌甚得仲景旨

南省參議常德甫至元甲戌三月間赴大都路感傷寒證勉強至真定館於常參謀家遷延數日病不差總府李經歷并馬錄事來求治羅診得兩手脉沈數外證却身

涼四肢厥逆發斑微紫見於皮膚唇及齒齦破裂無色
咽乾聲啞默默欲眠目不能閉精神鬱冒反側不安此
證乃熱深厥亦深變成孤惑其證最急詢之從者乃曰
自內丘縣感冒頭痛身體拘急發熱惡寒醫以百解散
發之汗出浹背殊不解每經郡邑治法一同發汗極多
遂至於此羅詳其說謂平昔膏梁積熱於內已燥津液
又兼發汗過多津液重竭因轉屬陽明故大便難也急
以大承氣下之得更衣再用黃連解毒湯病減大半復
與黃連犀角湯數日而安

至元己巳六月羅住夏於上都僉事董彥誠年踰四旬因
勞後過甚煩渴不止極飲童乳又傷冷物遂自利腸鳴

腹痛四肢逆冷汗自出口鼻氣亦冷六脉如蛛絲時發
昏憤衆醫議之以葱熨臍下又以四逆湯五兩生薑二
十斤連鬚葱白九莖水三升煮至一升去渣涼服至夜
半氣溫身熱思粥飲至天明而愈玉機真臟論云脉細
皮寒氣少泄利飲食不入此謂五虛死漿粥入胃則虛
者活信哉

一人年五十餘中氣本弱至元庚辰六月中病傷寒八九
日醫者見其熱甚以涼劑下之又食梨三四枚傷脾胃
四肢冷時昏憤羅診之其脉動而中止有時自還乃結
熱也亦心動悸吃噫不絕色青黃精神減少目不欲開
蹇卧惡人語以炙甘草湯治之成無己云補可去弱人

參大棗甘補不足之氣桂枝生薑辛益正氣五臟痿弱
榮衛涸流濕以潤之麻仁阿膠麥門冬地黃之甘潤經
益血復脉通心加桂枝人參急扶正氣減生地黃恐損
陽氣剉一兩服之不効羅再思脉病對莫非藥陳腐而
不効乎再於市鋪選嘗氣味厚者再煎服之其病減半
再服而愈凡藥昆蟲草木生之有地根葉花實採之有
時失其地性味少異失其時氣味不全又况新陳不同
精粗不等倘不擇用用之不効醫之過也內經云司歲
備物氣味之專精也修合之際宜加意焉

真定府趙吉夫年三旬餘至元夏間因勞役飲食失節傷
損脾胃時發煩躁而渴又食冷物過度遂病身體困倦

頭痛四肢逆冷嘔吐而心下痞醫者不審見其四肢冷
嘔吐心下痞乃用桂朮三錢匕熱酒調服仍以綿衣覆
之作陰毒傷寒治之汗大出汗後即添口乾舌澀眼白
睛紅項強硬肢體不柔和小便淋赤大便秘澀循衣摸
床如發狂狀問之則言語錯亂視其舌則赤而欲裂朝
輕暮劇凡七八日家人輩自謂危殆羅診脉六七至知
其熱證也遂用大承氣湯苦辛大寒之劑一兩作一服
服之利下三行折其勝勢翌日以黃連解毒湯大苦寒
之劑二兩使徐徐服之以去餘熱三日後病十減五六
更與白朮加入參湯約半片服之瀉熱補氣前證皆退
戒以慎起居節飲食月餘漸平復內經曰用藥無失天

時無逆氣宜無翼其勝無贊其復是謂至治又云必先
歲氣無伐天和當暑氣方盛之時聖人以寒涼藥急按
腎水之原補肺金之不足雖有客寒傷入仲景用麻黃
湯內加黃芩知母石膏之類發黃發狂又有桂枝湯之
戒今醫用桂末熱酒調服此逆仲景之治法其誤甚矣
省掾曹德裕男婦三月初病傷寒八九日請羅治之脉得
沈細而微四肢逆冷自利腹痛目不欲開兩手常抱掖
下昏瞢卧口舌乾燥乃曰前醫留白虎加入參湯一貼
可服否羅曰白虎雖云治口燥舌乾若執此一句亦未
然今此證不可用白虎者有三傷寒論云立夏以前處
暑以後不可妄用一也太陽證無汗而渴者不可用二

也况病人陰症悉具其時春氣尚寒不可用三也仲景
云下利清穀急當救裏宜四逆湯遂以四逆湯三兩加
人參一兩生薑十餘片連翹葱白九莖水五大觔同煎
至三觔去渣分三服一日服之至夜利止手足温翌日
大汗而解繼以理中湯數服而愈孫真人習業篇云凡
欲爲太醫必須誦甲乙素問黃帝鍼經明堂流注十二
經三部九候本草藥對仲景叔和並須精熟如此方爲
大醫不爾猶無自夜遊動致顛隕執方用藥者可鑒哉
呂滄洲治一人病傷寒十餘日身熱而人靜兩手脉盡伏
俚醫以爲死也弗與藥呂診之三部舉按皆無其舌胎
滑而兩額赤如火語言不亂因告之曰此子必大發赤

斑周身如錦文夫脉血之波瀾也今血為邪熱所搏淖而為斑外見於皮膚呼吸之氣無形可依稀溝隧之無水雖有風不能成波瀾斑消則脉出矣及揭其衾而赤斑爛然即用白虎加人參湯化其斑脉乃復常繼投承氣下之愈

一人傷寒旬日邪入於陽明俚醫以津液外出為脉虛自汗進玄武湯以實之遂致神昏如熟睡呂切其脉皆伏不見而肌熱灼指告其家曰此必榮血致斑而脉伏非陽病見陰脉比也見斑則應候否則畜血耳乃去其衾視其隱處及小腹果見赤斑臍下石堅且拒痛為作化斑湯半劑繼進韓氏生地黃逐其血是夕下黑矢若

干枚即斑消脉出復三日又腹痛遂用桃核承氣以攻之

婦病傷寒乃陰隔面赤足踈而下痢躁擾不得眠論者有主寒主溫之不一不能決呂以此紫雪匱理中丸進徐以冰漬甘草乾薑湯飲之愈且告之曰下痢足踈四逆證也苟用常法則上焦之熱彌甚今以紫雪折之徐引甘辛以溫裏此熱因寒用也眾皆嘆服

浙東憲使曲出道過歙病卧涵虛驛召呂往視呂察色切脉則面戴陽氣口皆長而弦蓋傷寒三陽合病也以方涉海為風瀟所驚遂血菀而神懼為熱所搏遂吐血一升許且脇痛煩渴謔語適是年歲運左尺當不應其輔

行京醫以為腎已絕位告其左右曰監司脉病皆逆不
祿在旦夕家人皆惶惑無措呂曰此天和脉無憂也為
投小柴胡湯減茯苓加生地黄半劑後俟其胃實以承氣
下之得_{參字}利愈_{葭即}

副樞張息軒病傷寒踰月既下而內熱不已脇及小腹偏
左滿肌肉色不變但醫以為風所中膏其手摩之決四
旬所其毒循宗筋流入於畢丸赤腫若匏子瘍醫刺潰
之而左脇腫痛如故來召呂診呂以關及尺中皆數滑
而且芤因告之曰脉數不時則生惡瘡關內逢芤則內
癰作季脇之腫癰作膿也經曰癰疽不得頃時回下之
慎勿晚乃用保生膏作丸衣之以乳香而用硝黃作湯

以下之下體如糜可五升許明日再圍下餘膿立墜

丹溪治一人舊有下疳瘡忽頭疼發熱自汗衆作傷寒治
反劇脉弦甚七至重則瀉丹溪曰此病在厥陰而與證
不對以小柴胡加草龍膽胡黃連熱服四貼而安

施宗一患傷寒連飲水大碗十數碗小柴胡加花粉乾葛
具支七患傷寒發熱如火口乾要飲水小柴胡去半夏加
乾葛花粉黃芩

梁本一患傷寒胃脇疼小柴胡加水通枳殼薤苳香附方
藥

黃進年五十六歲好飲酒患傷寒發熱口乾似火燒補中
益氣湯內加雞梔子八分甘蔗汁二合方藥地黃汁當

歸川芎各一錢服之愈

李謹三年三十四歲患傷寒發熱身如蒙刺痛四物加生地紅花各八分人參白朮黃芪

馬敬一患傷寒發熱身痒小柴胡內加紫背浮萍川芎當歸牡丹皮白芍熟地黃

吳亮年六十三歲患傷寒發熱頭痛泄瀉一日一夜二三十度五苓散加白朮神麩芍藥砂仁各一錢服之愈

朱寬年四十二歲患傷寒肚腹疼痛發熱如火人參養胃湯內加柴胡煨薑乾薑服之愈

姜連一患傷寒腰疼左脚似冰小柴胡湯加五味子十二粒黃柏杜仲牛膝

唐敬三患傷寒發熱心疼人參養胃湯加知母砂仁草薺

各一錢

邵璠一患傷寒發熱胃疼痛如刀刺小腸經也小柴胡加水通前胡燈心

劉光澤年七十一歲患傷寒頭疼發熱四肢冷如冰局方不換金正氣散加五味子黃芪人參白朮當歸身

顧曾八年五十二歲患傷寒偏枯四肢不隨手足攣拳濟生方加虎骨酒石斛石榴葉防風虎脛骨當歸茵芋葉

杜仲牛膝芎藭苦參金毛狗脊蒼朮木通
羅光遠年六十三歲患傷寒發熱四肢不隨補中益氣湯而愈

周本道年三十七歲患傷寒頭痛略惡寒小柴胡湯加入
參白朮川芎當歸白芷

浦海二患傷寒頭痛人參養胃湯而愈

張民一患傷寒發熱頭疼四肢骨痛人參養胃湯加枳殼
桔梗

丘本三患傷寒發熱四肢倦怠補中益氣湯加柴胡黃芩
林信一患傷寒發熱補中益氣湯而愈

曹九三患傷寒腰肚疼痛人參養胃湯加杜仲薑汁服之
愈

吳中六患傷寒雙脚攣拳寸步難行補中益氣湯加黃柏
知母服之而愈

胡文亮年三十五歲好男色患傷寒發熱四肢無力兩傍
酸疼小柴胡加四物湯加入人參白朮服之愈

言秉安年五十歲患傷寒發熱四肢厥冷補中益氣湯加
五味子木香麥冬丁香七枚

孔士能患傷寒發熱四肢無力腰疼小柴胡加白朮黃芪
五味子天花粉乾葛

曹江患傷寒發熱氣喘咳嗽有痰參蘇飲減去紫蘇加麥
冬天冬貝母款花各等分白朮

江亮年三十六歲患傷寒咳嗽夜發晝可作陰虛治之補
中益氣湯加天冬麥冬當歸身五味子十五粒貝母

許紀年三十九歲患傷寒發熱狂言譫語小柴胡湯加黃

連人參白朮生甘草

高遠年六十一歲患傷寒發熱腹痛人參養胃湯加木香白芍藥服之愈

方述年四十九歲患傷寒胃熱口乾大便泄瀉數十次五苓散加白朮神麩炒白芍麥冬乾葛五味子服之愈毛能三患傷寒足冷到膝補中益氣湯加五味子人參一錢五分而愈

項太一年二十九歲患傷寒頭痛發熱脇疼四肢疼痛胃膈不止小柴胡湯加羌活桔梗香附枳殼愈許祖一年十一歲患傷寒頭疼發熱自汗連腰痛小柴胡湯加枳殼白朮香附木通

高陽三年四十五歲患傷寒脇痛脇疼香蘇飲加入人參柴

胡桔梗香附黃芩

按上三十餘證皆是內傷挾外感者可見東南溫煖之方正傷寒百無一二所以傷寒屬內傷者十居九於此可見

滑伯仁治一婦暑月身冷自汗口乾煩躁欲卧泥水中伯仁診其脉浮而數沈之豁然虛散曰素問云脉至而從按之不鼓諸陽皆然此為陰盛隔陽得之飲食生冷坐卧風露煎真武湯冷飲之一進汗止再進煩躁去三進平復如初

一人病傷寒他醫皆以為瘥證當進附子持論未決伯仁

切其脉，两手沈實而滑，四末覺微清，以燈燭之，徧體皆赤斑，舌上胎黑而燥如芒，刺身太熱，神恍惚多謔妄語，滑曰：此始似表，不得解，邪氣入裏，裏熱極甚，若投附必死，乃以小柴胡劑，益以知母石膏飲之，終以三進，次日以大承氣湯下之，調治兼旬乃安。

一人病惡寒發熱，頭體微痛苦，嘔下泄五日矣，其親亦知醫，以小柴胡湯治之，不解，招滑診視脉弦而遲，曰：是在陰當溫之，為製真武湯，其親爭之強，以人參竹葉湯進，進則泄甚，脉且陷弱，始亟前劑服之，連進四五劑，乃効。

一人病惡寒戰慄，持促不定，两手背冷，汗浸淫，雖厚衣熾

滅不能解，攪寧滑，卽與真武湯，凡用附六枚，一日病者忽出人恠之病者，曰：吾不惡寒，卽無事矣，或以問滑，滑曰：其脉两手皆沈微，餘無表裏證，此蓋體虛受寒，亡陽之極也，初皮表氣隧為寒邪壅遏，陽不得伸而然也，是故血隧熱壅，須用稍黃氣隧寒壅，須用桂附陰陽之用，不同者有形無形之異也。

潘子庸得感冒證，已汗而愈，數日後大發熱惡寒頭痛眩暈嘔吐，却食煩滿，效而多汗，攪寧滑診之，脉两手三部皆浮而緊，曰：在仲景法，勞復證，浮以汗解，沈以下解，今脉浮緊且證在表，當汗，眾以虛憊難之，且圖溫補，滑曰：法當如是為作，麻黃葛根湯三進，更汗旋調，數日乃愈。

一人冒雪進涼食病內外傷惡寒頭疼腹心痛而嘔診之
脈沈且緊時伏而不見曰在法下利清穀當急救裏清
便自調當急救表今所患內傷冷飲食外受寒疹清便
自調急救表裏以桂枝湯力微遂為變法與四逆湯服
之時時服附子一兩明日則脈在肌肉唯緊自若外證
已去內傷獨存乃以九藥下去宿食後調中氣數日即
安

一人七月內病發熱或冷其服小柴胡湯必二十六劑乃
安如其言服之未盡二劑則升發太過多汗亡陽惡寒
甚肉瞶筋惕乃請滑診視脈細欲無即以真武湯進七
八服稍有緒更服附子七八枚乃愈

壅曰汗多亡陽則內益虛惡寒甚而肉瞶筋惕者裏
虛甚而陽未復也故宜真武湯多服附子而効

一人病傷寒經汗下病去而人虛背獨惡寒脈細如線湯
熨不應滑乃以理中湯劑加薑桂藿附大作服外以薑
撥良薑吳檄桂椒諸品大辛熱為末和薑糊為膏厚付
滿背以紙覆之稍乾即易如是半月竟平復不寒矣此
治法之變者也

一人病傷寒後勞復發熱自汗經七日或以為病後虛勞
將復補之滑曰不然勞復為病脈浮以汗解矣補為以
小柴胡湯三進再汗而安

王海藏治趙宗顏因下之太過生黃脈沈細遲無力次第

用藥至茵陳附子湯大効按海藏次第用藥者謂先投
韓氏茵陳茯苓湯次投茵陳橘皮湯次投茵陳附子湯
也

趙秀才因下之早黃病脉寸微尺弱身冷次第用藥用茵
陳四逆湯大効

一人患傷寒得汗數日忽身熱自汗脉弦數心不得寧真
勞復也王診之曰勞心之所致神之所舍未復其初而
又勞傷其神榮衛失度當補其子益其脾解發其勞庶
幾得愈授以補脾湯佐以小柴胡湯解或者難曰虛則
補其母今補其子何也王曰子不知虛勞之異乎難經
曰虛則補其母實則瀉其子此當補其母人所共知也

千金曰心勞甚者補脾氣以益之脾王則感之於心矣
此勞則當補其子人所未聞也蓋母生我者也子繼我
而助我者也方治其虛則補其生我者與錦囊所謂本
骸得氣遺體受蔭同義方治其勞則補其助我者與茵
子所謂未有子富而父貧同義此治虛與勞之異也
一男子病太陽證尺寸脉俱浮數按之無力王見其內陰
與神木加乾薑湯愈後再病王視之見神不舒垂頭不
欲語疑其有房過問之犯房過乎必頭重目暗曰然與
大建中三四服外陽內收脉反沈小始見陰候又與已
寒加芍藥茴香等丸五六服三日內約服六七百丸脉
復生又用大建中接之大汗作而解

陶尚文治一人傷寒四五日吐血不止醫以犀角地黄湯等治而反劇陶切其脉浮緊而數若不汗出邪何由解遂用麻黃湯一服汗出而愈

或問曰仲景言衄家不可汗亡血家不可發汗而此用麻黃湯何也權曰久衄之家亡血已多故不可汗今緣當汗不汗熱毒蘊結而成吐血當分其津液乃愈故仲景又曰傷寒脉浮緊不發汗因致衄血者麻黃湯主之蓋發其汗則熱越而出血自止也

孫兆治東華門竇大郎患傷寒經十餘日口燥舌乾而渴心中疼自利清水衆醫皆相守但調理耳汗下皆所不敢竇氏親故相謂曰傷寒邪氣害人性命甚速安可以

不次之疾投不明之醫乎召孫至曰明日即已不可下今日正當下遂投小承氣湯遂大便通得睡明日平復衆人皆曰此證因何下之而愈孫曰讀書不精徒有書爾口燥舌乾而渴豈非少陰證耶少陰證固不可下豈不聞少陰一證自利清水心下痛下之而愈仲景之書明有是說也衆皆欽服

一人患傷寒五六日頭汗出自頸以下無汗手足冷心下痞悶大便秘結或者見四肢冷又汗出滿悶以爲陰證孫診其脉沈而緊曰此證誠可疑然大便秘結非虛結也安得多陰脉雖沈緊爲少陰證多是自利未有秘結者此正半在裏半在表投小柴胡得愈仲景稱傷寒五六

日頭汗出微惡寒手足冷心下滿口不欲食大便硬脈
細小有此謂陰微結必有表復有裏脈沈亦在裏也汗
出爲陽微假令純陰結不得復有外證悉入在裏此謂
半在裏半在外也脈雖沈緊不得爲少陰病所以然者
陰不得有汗今頭汗出故知非少陰也可與小柴胡湯
設不了了者得屎而解此疾證後同故得屎而解也或
難曰仲景云脈陰陽俱緊反汗出者亡陽也此屬少陰
不得有汗何也今頭汗出者故知非少陰何必頭汗出
便知非少陰證孫曰此一段正是仲景議論麴意謂四
肢冷脈沈緊腹滿全似少陰然大便硬頭汗出不得爲
少陰蓋頭者三陽同聚若三陽至胃而還有頭汗出自

是陽虛故曰汗出爲陽微是陰不得有汗也若少陰頭
有汗則死矣故仲景平脈法云心者火也明少陰則無
頭汗者可治有汗者死心爲手少陰腎爲足少陰相與
爲上下惟以意逆者得之

一 道士患傷寒發熱汗出多驚悸目眩身戰掉欲倒地衆
醫有欲發汗者有作風治有欲冷藥解者病皆不除召
孫至曰太陽經病得汗早欲解不解者太陽經欲解復
作汗腎氣不足汗不來所以心悸目眩身戰遂作真武
湯服之三服微汗自出遂解蓋真武湯附子白朮和其
腎氣腎氣得行故汗得來也若但太陽者唯能乾涸血
液耳仲景云尺脈不足榮氣不足不可以汗以此知腎

氣怯則難得汗也明矣

工部郎中鄭君患傷寒胃腹滿面色黃如金諸翰林醫官商議略不定皆曰胃滿可下然脉浮虛召孫至曰諸公雖疑不用下藥鄭之福也下之必死某有一二服藥服之必差遂下小陷胃湯尋利其病遂良明日面色改白語曰孫尚藥乃孫真人後身耶

或問曰傷寒至於發黃病亦甚矣小陷胃湯何効速也權曰濕熱甚者則發黃內熱已甚復被火者亦發黃也邪風被火熱兩陽相熏灼其身必發黃此太陽標與少陽經所傳者正在心下故胃滿結之淺也是為小結胃且脉浮陽脉也虛陽在上不可下宜小陷

胃湯和之黃連括蕪苦寒而泄熱散結半夏辛溫又

以之結而燥濕理逆病雖甚而結之淺故以緩輕之劑除之

張致和治一人病陰證傷寒先因感寒濕既而發熱不食數日後不省人事語多錯亂神思昏迷面青齒露人謂其必死張診之兩手脉沈細先以小柴胡湯與之繼以四君子湯加炮附子數片煎成藥置盆中以水制其熱性少時令溫與服其脉漸回神思亦爽更用藥調理而愈

一人傷寒壞證垂死手足俱冷氣息將絕口張不能言致和以人參一兩去蘆加附子一錢於石牀內煎至一碗

以新汲水浸之若冰冷一服而盡少頃病人汗從鼻梁
尖上涓涓如水此其驗也蓋鼻梁上應脾若鼻端有汗
者可救以土在身中周遍故也近陸同婦產後患疫證
二十餘日氣虛脈弱即同壞證亦以此湯治之遂愈世
謂傷寒汗吐下三法差謬名曰壞證孫真人云人參湯
須得長流水煎服若用井水則不驗蓋長流水取其性
之通達耳

蔣仲賓治一人病傷寒甚月體兢兢而振齒相擊不能成
語醫環視束手仲賓後至診之曰急取羊肉來衆醫哈
曰傷寒大忌羊肉仲賓曰諸君毋曉曉以羊肉斤許熟
之取中大窩別用水煮良久取汁一升與病人服須臾

戰止汗大出而愈王止仲文集

平江張省幹病傷寒眼赤舌細唇口破裂氣喘失音大便
自利勢甚危篤諸醫皆欲先止其瀉適秀州醫僧寶者
過蘇張延視診脈乃投以茵陳五苓散白虎湯而愈諸
醫問故僧曰仲景云五臟實者死今大腸通更止之死
可立待五苓以利其小便白虎以導其邪氣此醫家之
通曉也何難之有雲麓漫抄

成州團練使張子綱以醫知名居於鄭州刑部尚書慕容
彥逢為起居舍人母夫人病召銳於鄭至則死矣時方
六月暑將就木張欲入視彥逢不忍意其欲求錢乃曰
道路之費當悉奉償實不煩入張曰傷寒法有死一晝

夜復生者何惜一視之彥逢不得已自延入悲哭不止
張揭面帛注視時件匠語之曰若嘗見夏月死者面色
赤乎曰無然則汗不出而甦爾不死也幸無亟斂趨出
取藥命以水三升煮其半灌病者戒曰善守之至夜半
大瀉則活矣銳舍於外館至夜半時守病者覺有擊勃
勃然遺尿已滿席出穢惡物斗餘一家大喜遽敲門呼
張張曰吾今體倦莫能起然亦不必起明日方可進藥
也天且明出門若將便旋然徑命駕歸鄭彥逢詣其室
但留平胃散一貼而已其母服之數日良愈蓋張以彥
逢有求錢之疑故不告而去紹興中流落入蜀王拒叔
問之曰公之術古所謂十全者幾是歟曰未也僅能十

八爾吾長子病診脈察色皆為熱極命煮承氣湯欲飲
之將飲復疑至於再三將遂飲如有掣吾肘者姑持盃
以待兒忽發顛悸覆綿衾至四五始稍定汗出如洗明
日而脫然使吾藥入口則死矣安得為造妙世之庸醫
學方書未知萬一自以為足吁可悲哉子剛名銳
堅夷志
給事毛弘病傷寒汗已不解醫與之補劑補旬日病大作
盜汗唇裂召祝診視祝曰傷寒無補法此餘熱不解與
芩連山施石膏之劑一服即愈
虞恒德治一人三月間得傷寒證惡寒發熱小便淋瀝大
便不行初病時莖中出小精血片如棗核大由是眾醫
皆謂房事所致遂作虛證治而用補中益氣等藥七八

日後熱愈甚，大渴引飲，胃中滿悶，語言錯亂，召虞診視。六脈俱數，甚有三部長，而沈滑。左手略平，亦沈實而長。虞曰：此大實大滿，證屬陽明，經宜大承氣湯。眾皆驚愕。虞強作，大劑連進二服，大瀉後，熱退氣和而愈。十日後，因食鴨肉太多，致復熱來，問虞教用鴨肉燒灰存性，生韭汁調下，六七錢，下黑糞一，碗許而安。

一人四月間得傷寒，證惡寒發大熱而渴，舌上白胎三日，前身脊百節俱痛。至第四日，惟脇痛而嘔，自利。六日來，請虞治，診其脈左若手皆弦長而沈實，俱數甚。虞曰：此本三陽合病，今太陽已罷而少陽與陽明仍在。與小柴胡合黃連解毒服三服，脇痛嘔逆皆除，惟熱猶甚。九日

後漸加氣，繁痰響聲如拽鋸，出大汗退後而身復熱愈甚。次當死，視其面上有紅色潔淨而無賊邪之氣，言語清亮間有謔語而不甚含糊。虞故不辭去而復與治，用涼膈散倍大黃服二服，視其所下復如前，自利清水，其痰氣亦不息。與大承氣湯合黃連解毒湯二服，其所下亦如前。虞曰：此蓋結熱不開而燥屎不來耳。後以二方相間日三四服，每藥又各服至五貼，始得結屎如肥皂子，大者十數枚，痰氣漸平，熱漸減。至十五日熱退氣和而愈。

或問曰：傷寒論謂下後不可再下，連日用此峻劑而獲安者何也？曰：燥屎未下而脈尚實，胡為不可再下。

是故為醫者不可膠柱而調瑟也

衍義一僧因傷寒發汗不撤者留熱身面皆黃多熱期年
不愈醫作食黃治之治不對病不去問之食不減尋與
此藥服五日病減三分之一十日減三分之二二十日
病悉去方用山茵陳山梔子各三分秦艽升麻各四錢
每用三錢水四合煎及二合食後溫服以知為度

朱肱吳興人尤深於傷寒在南陽太守盛次仲疾作召肱
視之曰小柴胡湯證也請併進三服至晚乃覺痛又視
之問所服藥安在取視乃小柴胡散也肱曰古人製咳
咀剉如麻豆大黃清汁飲之名曰湯所以入經絡攻病
取快今乃為散滯在膈上所以胃滿而病自如也因旋

製自煮以進兩服遂安

東坡志

臨安民有因患傷寒而舌出過寸無能治者但以筆管通
粥飲入口每日坐於門一道人見之咨嗟曰吾能療此
頃刻間耳奈藥不可得何家人聞而請曰苟有錢可得
當竭力訪之不肯告而去明日又言之至於旬時會中
貴人罷直歸下馬觀病者道人適至其言如初中貴問
所須乃梅花冰片也笑曰此不難置即遣僕馳取以付
之道人屑為末搽舌上隨手而縮凡用五錢病立愈
志
袁州天慶觀主首王自正病傷寒旬餘四肢乍冷乍熱頭
重氣塞唇寒面青累日不能食勢甚危表唯一醫徐生
能治此疾診之曰脉極虛是為陰證必服桂枝湯乃可

徐留藥而歸未及竟若有語之曰當服竹葉石膏湯王
回顧不見竇中但有一老道士適入市只小童在呼問
之曰恰何人至此曰無人自正惑之急遣邀徐醫還視
曰或教我服此如何徐曰寒燥如冰炭君之疾狀已危
果餌前藥立見委頓他日殺人之謫非吾所能任也自
為黃桂枝湯一碗曰姑飲之正使不對病猶未至傷生
萬一發燥狂眩旋用師所言未為晚方語次復聞耳傍
人云何故不肯服竹葉石膏湯自正益悚俟徐去即買
見成藥兩貼付童使煎又聞所告如初於是斷然曰神
明三告我殆是賜以更生安得不敬聽即盡其半先時
頭不得舉若戴物千斤倏爾輕清唇亦漸煖咽膈通暢

無所得悉服之少頃汗出如洗徑就睡又平旦恍然如
常自正為人謹飭常茹素為人祈禱盡誠故為神所佑
如此庚志

程元章婺源游汀人與妻皆嗜食醬婢梅香主炮餌每滋
味不適口必撻之嘗得一丈者長尺許方操刀欲屠觀
其伸縮顛悸為之不忍指而與我尋常烹製少失必遭
笞杖責罰今放汝不殺亦不過痛打一頓遂解縛置舍
於後汗池中池廣二丈水常不竭程夫婦以鼈肥大且
滿意厭飲既失之怒甚杖禪數十經二年婢患熱疾發
狂奔躁不納粥飲體倦昏憤蓋陽證也家人謂不可瘞
昇入池上茅亭以待絕命天未曉聞有扣宅後扉者謂

爲鬼物叱之婢曰我是梅香病已無事乞令歸家啟門
信然驚問其故對曰半夜後彷彿見一黑物將濕泥草
徧窺我身上環繞三四十匝便覺心下開豁四肢清涼
全無所苦始知獨在亭子內程氏未以爲然迨暮復使
往做昨夕偃卧而密伺察之見巨鼈自池出呷水藻浮
萍澌覆其體程不省所以婢評道本末云乃涸池取得
之鼈比昔其大加倍尾後穿竅尚存於是送諸深溪程
追悔前過不復食此鄉人相傳以爲戒邑醫虞仲和親
見其事爲洪作霖夢弼言熱證之極猝未可解者汲新
井水浸衣裳互熨之爲妙不可謂水族細微亦能知此
蓋陰陽所招云 類編

一人秋間得傷寒證已經汗下不愈延至月餘耳聾食入
卽吐藥下亦吐此誤藥已多脾胃受傷故食藥不納也
又類百合病乃以陳皮白朮各三錢百合二錢乾薑一
錢五分煎飲之一服卽能食不吐既而因頓食過度復
傷夜不能寐以消導諸藥投之愈

一婦人病傷寒十五日不更衣腹脹脈沈弱乃以當歸九
錢枳殼桃仁加酒大黃五六分一服脹稍減一日夜連
續進四貼再以蜜棗導之下黑糞塊三四十枚而愈
葛可又治一士人得傷寒疾不得汗比葛往視則發狂循
河而走葛就碎置水中使禁不得出良久出之暴以重
繭得汗解

壺仙翁治歎人吳銑六月病傷寒七日不解他以投以補劑熱益甚不出一夜死矣銑之親戚交游乃以問翁翁曰晚矣將奈何試入探其舌雖黑不硬兩頰雖腫而咽尚通則可療也乃入探視如翁言亟往見翁拜謁於前日銑今日之命危於累卵有先生則活無先生則棄捐異路長然而不得反言未卒相與噓唏流涕悲不能自止翁曰人之傷於寒也四日太陰受之太陰脈布胃中絡於嗌故腹滿而嗌乾五日少陰受之少陰脈貫腎絡於肺繫舌本故口燥舌乾而渴今舌黑不硬頰腫而嗌尚通則是經未絕而可活也於是診其脈且應則為之火劑逐熱一飲汗盡再飲熱去三飲病已眾皆以為神

黃十六病傷寒發狂譫語歌笑不倫手足厥逆身冷而掌有汗診其脈兩手沈滑而有力翁曰陽勝拒陰火極而復反兼勝已之化尤則害承乃制也熱勝血菀故發狂而譫語火性炎上故歌笑不倫陽極則反故身冷厥逆洩其血則火除抑其陽則神寧乃用桃仁承氣湯下血數并益以黃連竹瀝石膏之劑大汗而解

郭雍治一人盛年恃健不善養因極飲冷酒食肉外有所感初得疾即便身涼自利手足厥額上冷汗不止遍身痛呻吟不絕偃卧不能轉側心神俱無昏憤不恍惚請醫視之治不力言曰此證甚重而病人甚靜殊不昏憤身重不能起自汗自利四肢厥此陰證無疑也又遍身

痛不知處所出則身如被杖陰毒證也當急治之醫言
繆悠不可聽郭令服四逆湯灸關元及三陰交未知加
服九鍊金沙丹利厥汗證皆少止稍緩藥艾則諸證復
出再急灸治如此進退者三凡三日兩夜灸千餘壯服
金液丹亦千餘粒四逆湯一二斗方能住灸湯藥陽氣
雖復而汗不出證復如太陽病未敢服藥以待汗二三
日復大煩躁飲水次則讖語班出熱甚無可奈何復與
調胃承氣湯得利大汗而解陰陽反覆有如此者前言
煩躁不可投涼藥此則可下證具非止小煩躁而已故
不同也

一人年踰五十五月間因房後入水得傷寒證誤過服熱

藥汗出如油喘聲如雷晝夜不寐凡數日或時驚悸發
狂口中氣自外出諸醫莫措手郭診之曰六脉雖沈無
力然晝夜不得安卧人倦則脉無力耳細察之尚有胃
氣不瀦可治也夫陽動陰靜觀其不得安卧氣自外出
乃陽證也又誤服熱藥宜用黃連解毒湯衆皆危之一
服尚未効或以爲宜用大青龍湯郭曰此積熱之久病
邪未退藥力未至也再服病減半喘定汗止而愈
一人年二十三稟氣素弱二月間因食豚肉數斤兼感冒
不安是夜自利腹痛煩躁不眠次日嘔惡不食連自利
二次午間請郭往視之左三部沈而帶數三五不調右
寸關舉按皆無尺沈微兩手頭面皆冷舌有白胎嘔惡

不止身體重頰赤齒露不食仍作瀉以附子理中湯入
參用四錢白朮二錢乾薑甘草各一錢陳皮八分生薑
汁二匙灌下少頃脈之右寸關隱隱而出諸症稍定次
日脈近和頰尚赤乃以四君加陳皮黃芩二劑而愈
江篁南治一從叔房後感寒脈沈而遲小腹大痛予以高
良薑二錢薑制厚朴官桂半之作一服煎投之即愈
一姪婦夏月得傷寒症頭痛惡寒身熱心腹脹氣上壅渴
甚食少背項拘急唇口乾燥乃以柴胡石膏湯枳實散
二方合與服之一服而愈
一壯年七月間傷寒人迎脈緊盛惡寒肢節痛指甲青乃
以九味羌活湯去生地黃芩加薑棗葱白一服未解兼

腹疼飽悶再與全方一服外症悉解然腹痛隔痞未除
蓋五日矣乃以小柴胡去參芩半棗加芍藥牡蠣瓜蒌
亦不應其人曰予乃夏間食牛肉頗多想是食積宿而
然江曰乃表邪傳至胃中未入於腑證雖滿悶尚為在
表乃以小柴胡對小陷胃加枳實桔梗大黃一錢同煎
服之更衣一度即愈

一人年四十餘春初因房後傷寒身熱惡寒頭痛脇痛
自飲胡梅湯取汗汗出熱不退三日後江診其脈浮而
洪大且下利清水咳嗽乃以葛根湯麻黃桂枝減半加白
朮五味子得微汗次早脈稍平身涼痛減但瀉不甚止
頭疼嗽未減乃以白朮陳皮五味川芎茯苓乾薑甘草

薑棗一服而愈既而勞復感寒兼怒熱復作脇復痛甚
目不欲開兼之咯痰如桃老膿仲景論曰嘔家有癰膿
者不可治嘔膿盡自愈惟治其勞復小柴胡去參棗加
五味脇痛減半但嗽出上有膿大小溲如猪血水口渴
甚夜睡謔語小柴胡去參半棗加胡黃連天冬粉茯苓
五味子出入加減而安

一婦人患發熱胃中閉塞骨節煩疼一醫作停食投小沈
香煎一服大便利下三十餘行隨致困篤熱煩愈甚不
省人事又更醫診見脈煩熱投四苓飲亦不効病勢危
急又來招診視得兩寸口脈沈微而伏外證唇白喎斜
足趾微冷面色赤而煩熱神昏不食即與奪命散至夜

半宵間得少汗藥雖見効人猶未甦復診其脈如故江
謂此證始初感寒合和解而反用丸藥下之太過遂成
陰證似陽投以通脈四逆湯加人參四服熱漸退脈稍
起再作四逆加葱白湯八服人始平復調理半月而愈
江應宿治休寧潘桂年六十餘客淳安患傷寒亟買舟歸
已十日不更衣身熱如火目不識人謔語煩躁揭衣露
體知惡熱也小便秘澀腹脹脈沈滑疾與大柴胡湯腹
中轉矢氣小便通再與桃仁承氣湯大下黑糞熱退身
涼而愈

都事靳相庄患傷寒十餘日身熱無汗佛鬱不得卧非燥
非煩非寒非痛時發一聲如嘆息之狀醫者不知何證

迎予診視曰懊懣怫鬱證也投以梔子豉湯一劑十減
二三再以大柴胡湯下燥屎怫鬱除而安卧調理數日
而起

友人王曉同寓雲中一僕十九歲患傷寒發熱飲食下咽
少頃盡吐喜飲凉水入咽亦吐號叫不定脉洪大浮滑
此水逆證投五苓散而愈

率口何姓者在濟患傷寒後食肉復醫與利藥下之下後
身熱耳聾口乾不渴喜漱水不欲嚥是熱在經予視之
曰此誤下亡陰猶有表證與小柴胡去半夏加天芩粉
山梔麥冬五味歸芍生地一服減半四劑良愈
宿按醫之學傷寒為難以其邪氣自表入裏六經傳

變六日三陰三陽之氣皆和邪氣自衰七日當已七
日不已謂之過經再傳在表者可汗而已在裡者可
泄而已此大法也若夫陽盛陰虛汗之則死下之則
愈陽虛陰盛汗之則愈下之則死生死在於反掌之
間若醫者體認不真陰陽差互以寒為熱以實為虛
毫釐有差千里之謬輕者困篤重者必死矣昔張長
沙氏著論實為百代醫方之祖舉世宗之誠是也但
其方法唯宜用於冬月即時發病正傷寒其餘至春
變瘟至夏變熱又當依溫熱病例清涼和解從乎中
治况江以南溫暖之方正傷寒病百無一二所以傷
寒屬內傷者十居八九丹溪主乎溫散有卒中天地

之寒氣有口傷生冷之物皆以補養兼發散之法實
本內經成敗倚伏生於動動而不已則變化及風雨
寒暑不得虛邪不能獨傷人之首也蓋凡外感寒者
皆先因動作煩勞不已而內傷體虛然後外邪得入
故一家之中有病有不病者由體虛則邪入而體不
虛則邪無路入而不病也是故傷寒為病屬內傷者
十居八九世人皆謂傷寒無補法但見發熱不分虛
實一例汗下而致天橫者滔滔皆是也夫邪之所湊
其氣必虛其法補養兼發散宜用補中益氣湯為主
隨所見證加減氣虛熱甚者少加附子以行參芪之
功東垣內外傷辨甚詳世之病此者為多但有挾痰

挾外邪者鬱熱於內而發者皆以補元氣為主看所
挾而兼用藥寒多者補散加薑附熱多者加芩柏痰
積者加消導雜合病當雜合治不必先治感冒譬如
惡寒發熱得之感胃明是外合之邪已得浮數之脉
而氣口又緊盛明為食所傷病者又倦怠脉重按俱
有豁意而胃膈痞滿牽引兩脇其脉輕取似乎弦此
又平時多怒肝邪之所為也細取左尺大次沈弱之
體此又平時房勞之過也治法宜感冒一節可緩須
視其形色強弱厚薄且與補中化食行滯中氣一回
傷滯稍行津液自和通體得汗外感之邪自解醫者
若不審求只顧表散外邪又不究兼見之邪脉亦不

窮問所得之病因與性情執着巧施雜合治法將見正氣且虛邪滯不出皆拙工之過也

瘟疫

靖康二年春京師大疫有異人書一方於齋舍凡因疫發腫者服之無不効其方黑豆二合炒令香熟甘草二寸炙黃以水二盞煎其半時呷之庚志

成化二十一年新野疫癘大作死者無虛日鄰人樊滋夫婦卧床數日矣余自學來聞其家人如殺羊聲不暇去衣巾急往視之見數人用絛被覆其婦牀下致火一盆令出汗其婦面赤聲啞幾絕余叱曰急放手不然死矣衆猶不從乃強拽去被其婦躍起倚壁坐口不能言問曰飲凉水否領之與水一碗一飲而盡始能言又索水仍與之飲畢汗出如洗明日愈或問其故曰彼發熱數

日且不飲食腸中枯涸矣以火蒸之速死而已何得有汗今因其熱極投之以水所謂水火既濟也得無汗乎觀以火然枯鼎雖赤而氣不升注之以水則氣自來矣遇此等證者不可不知夢醒錄

虞恒德治一婦年二十九三月間患瘟疫證病三日經水適來發熱愈甚至七八日病劇胸中氣塞作痛莫能卧眾醫技窮入夜迎翁治病者以綿花笈盛托背而坐於牀令婢摩背不息六脉俱微數極而無倫次又若蝦遊狀翁問曰恐下早成結曾耳主人曰未也翁曰三日而經水行致中氣虛與下同乃用黃龍湯四物湯小陷胃湯共為一劑加薑棗煎服主人曰此藥何名虞曰三合

湯也一服而諸症悉減遂能卧再服熱退而病全安愈又因食粥太多而病復熱又作內傷馭治而用補中益氣湯出入加減調理而愈

汪石山治一人年弱時房勞後忽洒洒惡寒自汗發熱頭背胃腕皆痛唇赤舌強嘔吐眼胞青色醫投補中益氣午後謔語惡熱小便長初日脉皆細弱而數次日脉則浮弦而數醫以手按臍下痛議欲下之遣書來問汪曰此疫也疫兼兩感內傷重外感輕耳臍下痛者腎水虧也若用利藥是殺之耳古人云疫有補有降有殺茲宜合補降二法以治用清暑益氣湯除蒼木澤瀉五味加生地黃芩石膏服十餘貼而安

陳斗崙句曲人也父病疫藥罔効精誠禱天一夕夢老叟
書授蜣蠟水愈汝父既覺莫辨爲何物廣咨博訪知爲
蚯蚓也搗水飲疾愈人誠以爲孝感所致

江應宿治陳氏子年十七歲患疫大渴大熱頭痛如破泄
瀉頻數六脉洪大與三黃石膏湯日進三服石膏加至
一兩三日而愈

何氏僕患天行時疫目不識人狂言妄語投以地漿童子
小便浸白頭頭蚯蚓搗細新汲井花水灑下清汁任服
一二碗卽知人三日愈

萬曆十六年南都大疫死者甚衆余寓雞鳴僧舍主僧患
疫十餘日更數醫皆云禁飲食雖米飲不容下咽病者

饑甚哀苦索食余曰奪食則愈雖有是說此指內傷飲
食者言耳諺云餓不死傷寒乃邪熱不殺穀雖不能食
亦不致死經云安穀則生况病挾內傷不足之證禁食
不與是虛其虛安得不死強與稀粥但不使充量進補
中益氣湯而愈若此類者甚衆余未嘗禁飲食而活者
不少每見都城諸公但說風寒二字不辯有無內傷虛
實一例禁絕飲食有二十餘日邪氣已盡米飲尚不容
入口而餓死者何限表而出之以爲習俗之戒

宿按經云冬不藏精者春必病瘟是以多感於房勞
辛苦之人安樂者未之有也一皆觸冒四時不正之
氣而爲病焉大則流行天下次則一鄉次則一家悉

由氣運鬱發有勝有伏遷正退位之所致也視斯疾者其可不推運氣而治之乎仲景無治法後人用敗毒散治甚得理切不可作傷寒正治而大汗大下但當從乎中而用少陽陽明二藥加減和治殊為切當

大頭天行

泰和二年四月民多疫癘初覺憎寒壯熱體重次傳頭面腫盛目不能開止喘咽喉不利舌乾口燥俗云大頭傷寒諸藥雜治莫能愈漸至危篤東垣曰身半已上天之氣也邪熱客於心肺之間上攻頭面而為腫耳乃以芩連各半兩酒炒人參陳皮甘草玄參各二錢連翹板藍根馬勃鼠粘子各一錢白殭蠶炒升麻各七分柴胡五分桔梗三分為細末半用湯調時時服之半用蜜丸噉化服盡良愈活者甚眾時人皆曰天方謂天仙所製也或加防風川芎薄荷歸身細切五錢水煎時時稍熱服之如大便燥結加酒蒸大黃一二錢以利之腫勢甚者

砭鍼刺之

羅謙甫治中書右丞姚公茂六旬有七宿有時毒至元戊辰春因酒再發頭而耳腫而疼耳前後腫尤甚曾中煩悶咽盛不利身半以下皆寒足脛尤甚由是以床相接作炕身半以上卧於床身半以下卧於炕飲食減少精神困倦而體弱命羅治之診得脉浮數按之弦細上熱下寒明矣內經云熱勝則腫又曰春氣者病在頭難經云畜則腫熱砭射之也蓋取其易散故也遂於腫上約五十餘刺其血紫黑如露珠之狀頃時腫痛消散又於氣海中大艾炷灸百壯乃助下焦陽虛退其陰寒次於三里二穴各灸三七壯治足胛冷亦引導熱氣下行故

也遂製一方名曰既濟解毒湯以熱者寒之然病有高下治有遠近無越其制度以黃芩黃連苦寒酒製炒亦為因用以瀉其上熱以為君桔梗甘草辛甘溫上升佐諸苦藥以治其熱柴胡升麻苦平味之薄者陰中之陽散發上熱以為臣連翹苦辛平以散結消腫當歸辛溫和血止痛酒煨大黃苦寒引苦性上行至巔驅熱而下以為使投劑之後腫消痛減大便利再服減大黃慎言語節飲食不旬日良愈

橘泉翁治一人病頭面項喉俱腫大惡寒醫疑有異瘡翁曰非也此所謂時毒似傷寒者丹溪曰五日不治殺人急和敗毒散加連翹牛蒡子大黃下之三日愈

薛已治少宰李蒲汀誤服發散之藥耗損元氣患不消
體倦惡寒食少口乾薛用補中益氣加桔梗用托裏消
毒散而全愈

秋官陳同野元氣素弱脉細微而伏用參朮芎歸陳皮柴
胡升麻炙草以升舉陽氣用牛蒡玄參連翹桔梗以解
熱毒二劑腫頓消而脉亦復矣設或脉微細而屬純陰
或腫而屬純陽藥之鮮有不誤者

一婦人潰後腫赤不消食少體倦膿清色白乃脾肺虛也
先用六君加桔梗芎歸後用補中益氣加桔梗而斂
一婦人表散過度腫硬不食脉浮大按之微短薛辭不治
後果歿

江寧南治給事中游讓溪嘉靖壬子正月忽感大頭風症
始自頸腫時師以為外感而誤表之繼以為內傷而誤
補之面發赤三陽俱腫頭頂如裂身多汗寐則譫語綿
延三日喘咳勢急其親汪子際以竹茹橘皮湯繼以川
芎茶調散合白虎湯去人參服一劑而減次日用前方
去寒峻藥至晚漸定耳輪發水泡數箇餘腫漸消獨耳
後及左頰久不散又次日以當歸六黃湯為主加散毒
之藥延及二旬頂巔有塊如雞子大突起未平及面頰
餘腫未消時時頭疼大便稀澀時二月中旬自江至診得
左脉浮小而駛右脉大近快有勃勃之勢江按脉症當
從火治以生黃芪八分白朮薏苡各一錢半茯苓片苓

各八分生甘草三分煎加童便服次日脉稍平然兩頰尚赤早間或覺頭痛蓋餘火未全殺也黃芪加作一錢二分薏苡加作二錢頂塊漸消以后加生芪二錢更飲菘葶湯童便五劑而愈

宿按陽明邪熱兼少陽相火為病視其病勢在何部隨經變治當緩勿令重劑過其病所陽明為邪首大腫少陽為邪出於耳前後尋每治此症初用涼膈散無不立愈



俗名發沙之證江南舊無今隨地有之醫家不載大凡才見寒慄四體懈怠頭痛身熱狀似傷寒發瘡其治或先用熱水蘸搭臂膊而以苧麻刮之甚者或以針刺手足出血或以香油燈照視背有紅點處皆烙之已上諸法皆能使腠理開通血氣舒暢而愈有用艾灸以得沙為良或因灸膿血迸流移時而死者誠可憐也有雍承節印行方云初得病以飲艾湯試吐卽是其症也急以五月蠶退紙一片碎剪安碗中以楮蓋密以湯泡半碗許仍以紙封楮縫勿令透氣良久乘熱飲之就卧以厚衣被蓋之令汗透便愈

葉氏錄方

一 發婦身肥常患發砂之證每用芎麻刮之即愈輒與輒
 發不出二三日醫用四物等治反加鼻衄江以香附撫
 芎黃芩梔子等開鬱降火清熱之劑與之數服而愈不
 復舉

名醫類案卷之一終

